

四庫全書

子部

欽定四庫全書

子部
御定淵鑑類函卷十三

詳校官宗人府府丞臣實光鼎

主事臣祁韻士覆勘

欽定四庫全書

御定淵鑑類函卷十三

歲時部二

春

五春

春一

原說文曰春之為言蠢也物蠢而生 增釋名曰正月

少陽建寅寅者演也律中大簇律之為言率也所以率

氣也太者大也簇者湊也言萬物始大湊地而出也二

月之夾鐘者何夾者字也言萬物享甲衆類分也三月

氣至姑洗之律應姑洗者南呂之生也三分益一管長

七寸一分其日其音其數并同孟春 原毛詩曰春日

載陽有鳴倉庚

黃鵬也

春日遲遲

鄭注曰遲遲舒緩也

采繁祁祁女

心傷悲迨及公子同歸 又曰春日載陽爰求柔桑

禮記月令曰孟春之月東風解凍蟄蟲始振魚上冰獺

祭魚鴻雁來乃擇元辰天子躬耕帝藉是月也天氣下

降地氣上騰天地和同草木萌動

此陽氣蒸運可耕之候

仲春之

月始雨水桃始華倉庚鳴鷹化為鳩季春之月桐始華

田鼠化為鴛虹始見萍始生

蟬蟪謂之虹萍萍也

舟牧覆舟五覆

五反天子始乘舟布德行惠

又曰孟春之月日在營室

昏參中旦尾中

孟長也日月之行一歲十二會觀斗所建命其四時孟春日月會于娵訾而斗

寅建其日甲乙其帝太皞其神句芒

鄭玄曰此蒼精之君木官之臣自古以來

著德立功者太皞宓戲也句芒少皞氏之子曰重為木官

律中太簇

倉豆反律候氣之管以銅為之

中猶應也高誘注曰萬物動生簇地而出故曰太簇

中氣

危日在

又曰仲春之月

日在奎昏弧中旦建星中

仲中也仲春者日月會于降婁而斗建卯律中

夾鐘

高誘曰是月萬物去陰而生故候管者中夾鐘

中氣

日在奎

日夜分

又曰

季春之月日在胃昏七星中旦牽牛中

季少也季春日月會于大梁而斗建

辰

律中姑洗

高誘注曰姑故也洗新也是月陽氣發故去故就新

中氣

日在胃

生氣

方盛陽氣發洩句者畢出萌者盡達

屈而生者曰句芒而直者曰萌

爾雅曰春為青陽一曰發生

增又曰春獵為蒐春祭

為祠 原尚書大傳曰東方者動方也物之動也何以

謂之春春出也物之出故謂東方春也 增又曰萬物

非春不長

大戴禮曰古者天子孟春論吏之德行能

法者為有行能理得法者為有能任得法者為有功故

論吏行而法行事治而功成季冬正法孟春論吏治國
之要也春論班賞冬考良刑則莫不懲勸也 原尚書
緯曰春東方青龍房位其帝仁好生不賊 孝經緯曰
周天七衡六間曰立春後十五日斗指寅為雨水後十
五日斗指甲為驚蟄後十五日斗指卯為春分後十五
日斗指乙為清明後十五日斗指辰為穀雨 增易通
統圖曰春日行東方青道曰東陸 原京房占曰春當
退貪殘進柔良恤幼孤賑不足求隱士則萬物應節而

生隨氣而長所謂春令也 又曰正月建寅律為太簇

鷄雉孳尾招搖生聚少陽解凍其氣溫柔逆之則寒

增春秋元命苞曰春者神明推移精華結紐神明猶陰陽也相推使物精華結成紐要也 公羊傳曰春者何

歲之始也注云春者天地開闢之端養生之首法象所出四時本名也 原漢書曰孟春之月羣居者將散行人振木鐸徇於路以采詩獻之太師比其音律以聞於天子 增晉書樂志曰正月之辰謂之寅寅也者津也

謂生物之津途也二月之辰名為卯卯也者茂也言陽

氣生而孳茂也三月之辰名為辰辰也者震也謂時物

盡震動而長也 原老子曰衆人熙熙若享太牢如登

春臺 莊子曰春氣發而百草生正得秋而萬寶成夫

春與秋豈得而然哉天道已行矣 尸子曰春為忠東

方為春春動也是故鳥獸孕寧草木華生萬物咸遂忠

之至也 鵲冠子曰斗柄指東天下皆春 孟子曰春

省耕而補不足 淮南子曰春女悲秋士哀知物化矣

原又曰二月之夕女夷鼓歌以司天和以養百穀禽

獸草木

女夷主春夏長養之神

又曰孟春之月東宮御女青色

衣青采鼓琴瑟

增又曰春為規規之為度也轉而不

復圓而不圯優而不蹤廣大以寬感動有理發通有紀

優優簡簡百怨不起規度不失生氣乃理 原說苑曰

管仲曰吾窮必矣吾不能以春風風人不能以夏雨雨

人吾窮必矣 夏小正曰正月啟蟄雉震响

响古雖字古豆反响

者鳴也震者鼓其翼也

時有浚風

浚者大風南風

滌凍塗

滌者變也變而暖也

田鼠

風景曰媚景和景韶景時曰良時嘉時芳時辰曰良辰

嘉辰芳辰節曰華節芳節良節嘉節韶節淑節草曰弱

草芳草芳卉木曰華木華樹芳林芳樹林曰茂林鳥曰

陽鳥時鳥陽禽候鳥時禽好鳥好禽正月孟春亦曰孟

陽孟陬音鄒上春初春開春發春獻春首春首歲初歲開

歲發歲獻歲肇歲芳歲華歲二月仲春亦曰仲陽三月

季春亦曰暮春末春晚春 增素問曰春三月此謂發

陳天地俱生萬物以榮 又曰東方生風風生木其德

敷和敷和之紀木德周行陽舒陰布五化宣平 晁錯

新書曰帝王之道包之如海養之如春 原白虎通曰

嫁娶以春何也春天地交通萬物始生陰陽交接之時

也 臨海異物志曰鷓鴣一名田鵲春三月鳴晝夜不

止音聲自呼俗言取梅子塗其口兩邊皆赤上天自言

乞恩當梅子熟鳴乃止耳 楚辭曰獻歲發春兮汨我

南征葦蘋齊葉兮白芷生湛湛江水兮上有楓目極千

里兮傷春心 又曰開春發歲兮白日出之悠悠吾且

蕩志而愉樂兮遵江夏以娛憂 又曰王孫遊兮不歸
春草生兮萋萋 又曰青春受謝白日昭春氣奮發萬
物遽

春二

原尚書曰分命羲仲宅嵎夷曰暘谷寅賓出日平秩東
作日中星鳥以殷仲春 周禮曰內宰仲春詔后率外
內命婦始蠶於北郊上春詔王后帥六宮之人生種稜
之種而獻之於王 論語曰莫春者春服既成冠者五

六人童子六七人浴乎沂風乎舞雩詠而歸 博物志

曰宋國有田夫常衣赆縵以過冬暨春東作自暴於日
不知天下有廣廈隩室綿纊狐貉顧其妻曰負日之暄
人莫知者以獻吾君將有賞 增史記曰孝惠皇帝時

會春出遊離宮叔孫生曰古者有春嘗果今方櫻桃熟
願陛下因取櫻桃獻宗廟上乃許之諸果獻由此興也

文帝詔曰方春和時草木羣生之物皆有以自樂而
吾百姓或陷於死亡而莫之省憂為民父母將何如其

議所以賑貸之 後漢書曰章帝元和二年春詔三公

曰方春生養萬物享甲宜助萌陽以育時物其令有司

罪非殊死且弗案驗 原又曰章帝行幸勅御史司空

道橋所過歷樹木方春月無得有所伐輅車可引避也

增又曰丙午詔曰畿內七十以上暮春赴京師將行

養老之典禮 又曰太守常以春行縣至縣勸人農桑

振救乏絕第五倫為太守因春行見鄉嗇夫鄭弘奇之

署督郵 原又曰鄭弘為臨淮太守春行有兩白鹿隨

車夾轂而行宏後為太尉 東觀漢記曰梁鴻將之會

稽作詩曰維季春兮華色麥含金兮方秀 增唐書禮

樂志曰天子以孟春上辛日於南郊揔受十二月之政

藏於祖廟月取一政頒於明堂 又曰貞觀十四年正

月庚子有司讀時令詔百官之長升太極殿坐聽之

李適傳曰中宗春幸黎園并渭水祓除賜羣臣細柳圈

辟厲帝有所感即賦詩 開元遺事曰宋璟愛民惜物

朝野歸美咸謂有脚陽春如陽春及物也 又曰長安

春盛時於遊賞園林日無閒地蘇頲應制詩曰飛埃結
紅霧遊蓋翻青雲帝覽詩嘉焉以御花插頲之巾時人
榮之 又曰都人士女每正月半後各乘車跨馬供帳
于園囿或郊野中為探春之宴 又曰長安士女遊春
野步遇名花則設席藉草以紅裙遞相插掛以為宴幄
羯鼓錄曰唐明皇嘗遇二月旦小殿柳杏將吐歎曰
對此景物豈可不與判斷之呼高力士取羯鼓縱擊一
曲名春光好回顧柳杏皆發明皇笑曰不喚我作天公

可乎 天寶遺事曰長安貴家子弟每至春時遊宴於園囿中隨行載以油幕或遇陰雨以幕覆之盡歡而歸唐書曰李泌奏云以晦為節非也請以二月朔為中和節因賜民間以青囊盛百穀瓜李果種相問遺號獻生天子令百官進農書示務本也 又曰唐何易于為益昌令時州刺史賞春與客乘舟過益昌旁索居民挽牽易于乃自引舟守驚問之易于曰方春百姓耕且蠶惟令無事可任其勞守愧與客疾馳去無溫公詩話曰

趙宋春月召兩府兩制三館於後苑賞花釣魚道山
清話曰哲宗御講筵所手折一栢枝玩程頤為講官奏
曰方春萬物發生之時不可非時毀折哲宗亟擲於地
春三

原蒼精

青祗

上見春一注下見張協雜詩

參伏

祥正

上詳春一國

語曰農祥晨正詳立春

穀雨

條風

上孝經緯詳春一下詳立春

遲日

和風

上詳春一陸士衡樂府詩曰遊客芳春林春芳傷客心和風飛清響鮮雲垂薄陰

淑景

鮮雲

上見李顯悲四時詩下詳和風注

九陽

三節

傳元陽春賦曰生氣方盛

九陽奮發 又樂府詩曰
穆穆三春節天氣暖且和

倉庚 玄乙

上詳春一
蔡邕月令章

句曰仲春玄鳥至玄鳥
燕也爾雅曰燕乙也

拂羽 揮鱗

上詳春一
李顯悲四時曰春

日悲兮魚揮
鱗於巨川

鳴鵲

雉雉

上詳春二
下詳春一

玄鳥

蒼龍

呂氏春秋曰仲春之月玄鳥至
禮記曰孟春之月天子居青陽左个乘青輅駕蒼龍

降鷺

來鴻

大戴禮曰二月降鷺
降下也 下詳春一

桑鷺

麥雉

蔡邕月令章
句曰季春戴

鷺降于桑曹植射雉賦曰暮
春之月宿麥盈野野雉羣雉

化鳩

歸雁

周禮羅氏
中春羅春

鳥獻鳩以養國老鄭玄注曰仲春鷹化為鳩變舊為新
宜以養老助生氣 禮記曰正月鴻雁來來歸也北有

雁門故
曰歸雁

冰渙

雲滋

上詳工虞春可樂
下見李顯悲四時詩

杏花

菖葉

崔寔四民月令曰清明節令蠶妾理蠶室是月也
杏花盛 呂氏春秋曰冬至後五旬七日菖始生

百草之先生也於是始
耕高誘注曰菖蒲水草

華桂 柔桑

尸子曰春華秋
英其名曰桂

下詳春
一毛詩

蘭徑

柳衢

楚詞曰蘭皋被徑兮斯路漸榮
謝惠連三日詩曰弱柳蔭修衢

青蘋

綠菱

枚乘七發曰淹青蘋遊清風陶陽氣蕩
春心 夏侯湛春可樂曰援若流之綠

菱

柔柳

天桃

伍緝之春芳詩曰桃柳發柔榮丹綠
繁郊邑 毛詩曰桃之夭夭灼灼其

華

布德

論功

上詳立春 天子孟春論吏之德行功能
大戴禮曰古者

効功

論賞

禮月令季春之月蠶事既登分繭稱絲効功以
共郊廟之服 管子曰孟春之朝君自聽朝論

爵

帝藉

神稷

禮記曰孟春天子躬耕帝藉蔡邕曰
天子藉田千畝以供上帝之粢盛借

人力以成其功故曰帝藉 呂氏春秋
曰仲春祠於高禩蔡邕曰高禩神名也

鮮羔 祭鮪

禮記曰仲春之月天子乃鮮羔開冰先薦寢
廟 大戴禮曰二月祭鮪鮪者魚之先至者

祈麥

薦韭

禮記曰季春之月天子乃為麥祈實鄭元注曰於
含秀求其成也 崔寔四民月令曰二月祠太社

之日薦韭
卯於祖禩

狗鐸

載耜

尚書曰每歲孟春道人宣令之
鐸狗於路注云道人宣令之

官水鐸金鈴木舌所以振文教也 禮記曰孟春之月
擇元辰天子親載耒耜帥三公九卿諸侯大夫躬耕藉

田

禁火

啓冰

周禮曰司烜氏掌仲春以木
鐸修火禁 下見鮮羔注

條桑

採艾

毛詩曰蠶月條桑鄭元曰條桑枝落
其葉 四民月令曰三月可採艾耳

花蓋

葉幄

上見夏侯湛春可樂
下見謝萬春遊賦

綠野

青塗

謝靈運入彭蠡口詩春晚

綠野秀巖高白雲
屯下見立春五

浴沂

褰洛

上詳春二
文曰洋洋暮

蔡邕褰
春厥日

除已尊卑煙驚惟女與
士自求百福在洛之溪

增草裊

油幕

謝萬春遊賦
云靡翠草而

成裊下詳春
二天寶遺事

吞花

卧酒

曲江春宴錄云虞松方
春招客云握月擔風且

留後日吞花卧
酒不可過時

綵樓

雕幃

天寶遺事云楊氏子弟
恃后戚之貴極於奢侈

每春遊以大車結綵為樓載女樂數十人自私第聲樂
前引出遊園囿中長安豪民貴族爭倣之撫言云進

士會宴曲江盧象請假不赴乃以雕幃載妓女微服遊
觀為園司所發崔沆為主簿錄事判云深攬席帽密映

續車載陌尋春便隔同年之
面青雲得路可知異日之心

藉草

鋪花

天寶遺事
云長安進

士鄭愚劉參郭保衡王冲張道隱等十數輩不拘禮節
旁若無人每春遊時選妓乘小犢車指名園曲沼藉草

啞呼自謂之顛飲 又云許慎選與親友結宴園中未嘗具帷帳坐具令僮奴落花鋪于坐下曰吾自有花裯

何用生具乎

送貧

迎富

四時寶鑑云高陽氏子好衣弊食糜正月晦日巷死世人于是

日作粥糜破衣棄于巷祝曰送貧鬼 寰宇記云蜀萬州風俗二月二日攜酒饌鼓樂於郊外飲宴至暮而歸

謂之迎富

蠶月

鵲時

唐百家詩曰蠶月桑葉青鵲時柳花白

上服

散

衣

唐紀每中和節王公戚里上春服士庶以刀尺相問遺唐王建詞云殿前明日中和節連夜瓊林散舞

衣

獻果

種瓜

上詳春二種瓜山谷詩云夏栽翠竹餘千箇春

糞辰瓜滿百區

望杏

瞻蒲

蜀主孟昶勸農詔云望杏敦耕瞻蒲勸播

翠煙

紅雨

王元之詩云一路翠煙籠碧柳滿川紅雨落花邨

原榆英雨

桃花水

欽定四庫全書

卷十三

汜勝之書曰三月榆莢雨高地強土可種禾韓詩章句曰黍與消方渙渙兮謂三月桃花水下時鄭國之俗

三月上巳此水招魂續魄後除不祥之故也

正月上春

中氣

建寅月雨水之日

獮祭魚中氣也後五日鴻雁來後五日草木萌動

改秦諱

行夏時

秦始皇正月生

因名政後諱之改正字從平聲夏以建寅為正月

增結腸

灸眼

霏雪錄云北方士女

正月十六日用舊曆日紙九道為繩亂結以首尾聯屬者為兆謂之結羊腸養老方云正月十六日以川椒

細末一二分入頭垢和為蠶豆大四之以窩置于眼角別搽熱艾米粒大內四中每眼角灸七壯或九壯俟清

明日復灸之連灸三年益加精彩

剖鳥腹補天穿

嘉話云唐西域東女國以歲初

詣山中剖鳥腹有殺曰歲豐否則有災謂之鳥卜拾遺記云江東俗稱正月二十日為天穿日以紅縷繫煎

餅餌置屋上曰補天穿相傳
女媧氏以是日補天故也

原二月上丁 後戊月二

上丁釋奠于國學 春
分後戊日乃命民社也

舉趾 戒容

詩云四之日舉趾注云周之四

月今二月人皆舉足而耕 月令云
雷將發聲有不戒容止者生子不備

增選勝 賜衣

唐制二月初旬令百官休日選勝行樂 唐文宗謂柳
公權曰邊上衣賜久不及時今二月給春衣可賀我以

詩宮人迫其口進公權鹿聲曰舊歲雖無
戰今春未得歸皇恩無以報春日賜春衣

原三月薦

鮪 書牲

天子薦鮪于寢廟
犧牲駒犢舉書其數

享先蠶 合騰馬 享

蠶而躬桑以勤蠶事 合累牛
騰馬游北于牧注累騰匹乘名

增秧開五葉 蠶長

三眠

蕭結廬陵人五代時為祁陽令不畏強禦方暮春
時有州符下取競渡船刺史將臨觀結怒批其符

云狹開五葉盤長三眠人皆忙
迫詎任渡船刺史乃罷競渡

春四

原東方者春

禮記云東方者春春之言蠢也產萬物者也注曰蠢動也

東陸謂春

續漢

書曰行東陸謂之春

春為青帝

尚書緯

春者歲始

詳春一

居左个

禮記孟春天子居青陽左个仲春居青陽太廟季春居青陽右个

遊外廬

張華歸田賦曰冬與處於

城邑春嬉遊於外廬

乘鸞輅

禮記

乘蒼馬

尚書考靈曜云春佩蒼璧乘蒼馬以出遊發令

於外春行仁政以順天之常以安國也

負青幡

王粲務本論云末世服之治負青幡而今春服

青幘

今史詳立春

簫鼙詩

周禮簫鼙章掌仲春鼙擊土鼓吹鼙詩

淮南子曰

孟春之月
鼓琴瑟

簡稼器

修稼政

周禮

敷和氣

傳咸詩云春敷和氣

百鳥翔鳴

含寒氣

劉公幹詩云初春含寒氣

春德風

呂氏春秋云春之德風風不信其華

不盛華不盛則果實不生

春條風

易通卦驗

獺祭魚

鷹化鳩

並禮記

鼈人獻蜃

周禮鼈人職云春獻鼈蜃

羅氏獻鳩

詳初學記

孟春食麥

月令

孟春之月食麥與羊

仲春薦笋

范汪祠制云仲春薦竹笋

孟春習舞

禮記春命樂正

入學習舞

季春習樂

禮記云仲春之月上丁又命樂正入學習樂

皆修封疆

月令

云孟春之月王命布農事命田舍東郊皆修封疆審端經術善相丘陵阪險原隰土地所宜五穀所殖以教道

民必躬親之

案術周禮作遂

周視原野

又云季春術行國邑周視

原野

洋洋暮春

蔡邕修
襖文

穆穆三春

傅元樂
府詩

百華隆德

揚雄蜀都賦云百
華投春隆德芬芬

繁華歲時

傅元雜詩云浮萍蔽綠
水楊柳何依依云云

春氣故生

春秋繁露曰
春氣喜故生

春氣轉節

王升之詩云春風
轉節萬物爭揚

紅葩曜天

杜預
七規

萌草綠池

鳴鳩趣農

戴勝趣織

俱詳春一周
書時訓注

青天翠采

傅元雜詩習習谷風興回回
景雲飛青天數翠采朝日含

丹輝萬物光輝

古樂府詩云陽春布
德澤萬物生光輝

芳春

陸機樂府
云芳春傷

客心熙春

潘岳閒居賦云凜秋暑退熙
春寒往微雨新晴六合清朗

禁

伐水

器

以疏

達

蟲鱗

象物享甲將
鱗龍蛇之屬

音角

春氣和則
角聲調

其祀戶

陽春

氣出祀之
戶內陽也

其數八

遲遲

春日遲遲

馥馥

選云播芳之馥馥

驚

至

雁來

春分之日元鳥至鴻雁來

祭先脾

制脾為俎

牲毋牝

乘

震執規

漢書魏相上書曰陰陽之分以日為紀各有常職不得相干東方之神太皞乘震執規司春

舍菜合舞

禮春入太學舍菜合舞

太簇司律

正月律管也

蒼靈奉塗

文選云句芒神奉塗引道

春為青陽

爾雅

雲成白鵠

易說曰春有白鵠之雲也

時屬酸醢

其味酸其臭醢

日惟甲乙

今月

雷方出地

易

魚已上

冰

今月

樂正習舞

禮

女夷鼓歌

夏小正

風回解凍

今月

歲

適載華

顏延之詩云昔辭秋素今也歲載華乃春也

木鐸規時

尚書

土牛誠

候今月

卦審吉凶

周禮龜人以上春釁龜
策占兆審卦之吉凶

火新榆柳

禮周

燧人掌火春
取榆柳之火

歲星更始

傳云歲在星紀而得于元枴
注云謂天有十二辰歲星一

年一周
行運也璿衡運周

蟲既昭蘇

物方駘蕩

駘徒改切
選云春物

方駘蕩
鬱陶春光貌民情以

三陽草故

正月三
陽生也

千里共尋

隋盧思
道詩云

聊把一尊酒
共尋千里春

氣變東郊

寒收北陸

庭蘭已香

澗蒲猶小

增四時之首

家語云春者
四時之首

一年之計

纂要
云一

日之計在一晨一
年之計在一春

原有司布農事之日

天子耕藉

田之晨

並見
月令

斗轉東而天下皆春

雁向北而頰邊

先暖

鶚冠子曰斗柄指東天下皆春雁向北即鴻雁來也此為三陽日

鷹化鳩而及

候

禮周

麥覆雉以當時

見庾信感春賦

已改趙衰之愛日

傳曰趙衰

冬日之日也

爰吹鄒衍之和風

詳律

銅盤取露以服風

冬日可愛

服虔曰天子孟春之月以銅盤取露水服之云服八方之風以其被八音風吹也

桃花和雪以

饋面

虞世南史畧曰北齊盧士深妻崔林義之女有才學春日以桃花和雪與兒饋面云取紅桃取白雪

與兒洗面作光悅取白雪取紅花與兒洗面作妍華

歌青陽而祭天地書候玄

鳥而祀高禩

月令

詩人之黃鸝出谷

詩曰出自幽谷遷於喬木

太守

之白鹿隨車

詳春二

陸凱寄一枝之春色

陸凱與范蔚宗相善自江

南寄梅花一枝詣長安與蔚宗贈詩云折花逢驛使寄與隴頭人江南無所得聊贈一枝春伶倫截

六管以和音

詳律

節移陰管符河內之灰

詳律

春動陽鐘

應金門之竹

異物論云聽五聲清濁之和然後制為鐘律律中有黃鐘律陽鐘以應乾之初九金

門竹詳律

正月于耜

詩三之日于耜注正月也始備耒耜幽土寒農晚也

修疆

皆修封疆

納凌陰

三之日納于凌陰注凌陰冰室

耕帝籍

天子推

上辛祈穀

元日

祈穀謂上辛祈穀郊祀昊天上帝于圓丘

東郊命田

月令王命布農事命田舍東郊

修祭

命祀

乃修祭典命祀山林川澤

掩骼埋胔

枯骨曰骼肉腐曰胔

不可稱兵

月令

是月也不可稱兵稱兵必天殃

毋聚大衆

毋置城郭注為妨農事

毋絕地理

毋亂人紀

律中太簇

氣至東郊

謂立春之日
迎春氣也

斗

建寅位

月令云正月之
節斗建寅之初

時祠嶽鎮

命祀嶽
鎮海瀆

雁序南回

斗衡東指

釁龜

禮周

祭獺

禮記

春秋始事

春秋之法
書元年春

正月者所以
始事者也

象魏懸法

周禮正月之吉始和布令
于邦國都鄙使萬民觀之

星

始運於銅渾

銅渾以應天之星數日正月則
銅渾更始以測一年之星度

氣微生於

玉琯

又正月為三微之月陽
氣初生為微以玉為琯

漢帝賜羹之候

金谷園
記云武

帝嘗以正月殺臬為羹以賜羣臣食
之云使天下之人知殺絕其惡類也

幽人于耜之時

詩

玉管調音于律呂

玉管吹
律之管

金烏點翼于虛危

金烏日
也躔在

虛危

日月乍逼于虛危

昏曉正當于心昴

月令

司歷

候而命乎太史

詳立春

行慶惠而及彼兆人

月令以應春氣

六

律調元太簇克宣于和煦

四時成歲青陽潛運于發

生

見上

增綵花

外紀晉惠帝正月百花未開令宮人剪五色通草花實錄云王符潛夫論已識

花采之費晉新野君傳家以剪花為業有染絹為芙蓉捻蠟為菱藕剪梅若生之事則花朵起于漢剪綵起于

晉矣

冰瑞

耳談云正德戊寅冬駕幸淮揚河冰方合上問何時解江彬對曰立春始解然尚有旬餘

日上曰春迎之即至矣即命迎春于揚之東郭明日百花盛開河水盡泮萬姓駭觀以為冰瑞云

報

春作聲

顧渚山記云山中有鳥如鴝鵒而小蒼黃色每至正二月作聲云春起也至三四月作聲云春

去也採茶人呼為報春白樂天詩云
不緣啼鳥聲饒舌玉瑣仙郎那得知

原二月初朝日

於東祭馬祖用剛

修闔扇

助道陽氣

具曲植

所以養蠶

柳舒

西掖

漢武西掖瑞柳又晉書云二

雷鳴東隅

陶潛詩云仲春通時

雨始雷鳴東隅

幽人擊鼓以迎春

周禮仲春晝擊土鼓以迎春也

巢氏乞子

以得富

昔巢氏時二月二乞得人人子歸養之家便大富後人以此日出野田採桑葉向門前以祭之曰

迎富毋作事以妨農

禮注興兵役之事時將耕慮妨農功

順陽氣以養物

禮無焚山林順陽氣以養物

驚蟄之日桃始華

二月節也後五日倉庚鳴後五日鷹

化為春分之日燕乃至

二月節後五日雷發聲後五日始電

增擊土鼓

周禮仲春

賜金錢

唐貞元間遇中和節賜百官宰相以

擊土鼓

下金錢宴于曲江杜少陵詩云何時

詔此金錢會暫醉佳人錦瑟傍

原三月禁捕

置米罇弱餵獸之藥無出國門鳥獸孳乳不可

傷之無効功

分繭稱絲効功郊廟

修蠶器

薦鞠衣

月令天子薦鞠衣于

先帝鞠衣黃桑之服薦于太廟

大合樂

天子親往視之

始乘舟

于天

不可以

內

時可宣出不可收歛

無或不良

皮革筋角齒羽箭幹脂膠丹漆無或不良

日在婁星

律中姑洗

俱詳春一

畢春九門

大合樂命國儼九門磔穰以畢春氣洪範傳曰

犬本屬金故磔之於九門抑金扶木畢成春功東

審量

五庫

月令云審五庫之量金鐵皮革無或不良也

布德行惠

月令云布德行惠發倉廩

賜貧窮賑
乏絕也

聘士禮賢

聘名士
禮賢者

修利隄防

導達溝瀆

今月

春五

原詩晉陸機詩曰節運同可悲莫若春氣甚和風未及

燠遺涼清且凜

張協雜詩曰太昊啟東節春郊禮青

祗鷹化日夜分雷動寒暑離飛澤洗冬條浮飈解春澌

采虹纓高雲文虬鳴陰池冲氣扇九垓蒼生衍四垂時

至萬寶成化周天地移 郭璞詩曰青陽暢和氣谷風

穆以溫英萑發林薈昆蟲咸啓門高臺臨迅流四坐列
王孫羽蓋傳雲陰翠鬱映玉樽 南齊虞羲春郊詩曰

風遲蝶弄蘼景麗鳥和春樵歌喧壑暮漁柁亂江晨山
中芳杜若依依獨思人 王儉春夕詩曰露華方照歲
雲彩復經春虛閨稍疊草幽帳日凝塵 又春詩曰蘭
生已匝苑萍開欲半池輕風搖雜蘼細雨亂叢枝 又

詩曰風光承露照霧色點蘭暉青萸結翠藻黃鳥弄春
飛 梁簡文帝春日想上林詩曰春風本自奇楊柳最

相宜柳葉恒著地楊花好上吹處處春心動常惜光陰
移西京董賢館南苑習郁池荇間魚共樂桃上鳥相窺
香車雲母憶駛馬黃金羈 又晚春時詩曰紫蘭葉初

滿嬌鶯弄不稀石蹲還似獸蘿長更勝衣水凍文鯉聚

山暝雅

古鵲字

鳥飛渚蒲變新節巖桐長舊圍風花落未

已山齋開夜扉

又晚日後堂詩曰幔陰通碧砌日影

度城隅岸柳垂長葉窓桃落細跗花留蛺蝶粉竹翳蜻
蜓珠賞心無與共染翰獨踟躕 又春日詩曰花開幾

千葉水覆數重衣蝶颺紫空僂鶯作同心飛歌妖弄曲

罷鄭女挾琴歸 又春日詩曰年還樂應滿春歸思復

生桃含可憐紫柳發斷腸青落花隨燕入遊絲帶蝶驚

邯鄲歌管地見許欲留情 湘東王春日詩曰春還春

節美春日春風過春心日日異春情處處多處處春芳

動日日春禽變春意春已繁春人春不見不見懷春人

徒望春光新春愁春自結春結詎能申欲道春園趣復

憶春時人春人竟何在空與上春期獨念春花落還似

昔春時 又春日詩曰新鶯隱葉囀新燕向窓飛柳絮

時依酒梅花乍入衣玉珂逐風度金鞍照日暉無令春

日晚獨望行人歸 又望春詩曰葉濃知柳密花盡覺

梅疎蘭生未可握蒲小不堪書 沈約傷春詩曰弱草

半抽黃輕條未全綠年芳被禁禦煙花繞曾曲寒苔卷

復舒冬泉斷方續早花散凝金初露泣成玉 又春詠

曰楊柳亂如絲綺羅不自持春草復黃綠客子傷此時

青苔已結洧碧水復盈淇日華照趙瑟風聲動燕姬襟

中萬行淚故是一相思 吳均春詩曰春從何處來拂

水復驚梅雲障青瑣闥風吹承露臺美人隔千里羅帷

閉不開無由得共語空對相思杯 王僧孺寄鄉友詩

曰旅心已多恨春至尚離羣翠枝結斜影綠水散圓文

戲魚兩相顧遊鳥半藏雲何時不憫默是日最思君

又春思絕句曰雪罷枝即青冰開水便綠復聞黃鳥聲

全作相思曲 蕭子範春望古意詩曰光景斜漢宮橫

梁照采虹春情寄柳色鳥語出梅中氛氲閨裏思逶迤

水上風落花徒入戶何解妾牀空 王筠春日詩曰金

堤草非舊玉池泉已新風生似羊角雲上若魚鱗幽閨

多怨思停織坐嬌春芳華既零落方作向隅人 蕭瑱

春日貽劉孝綽詩曰澗水初流碧山櫻早發紅新禽爭

弄響落葉亂從風拂筵多軟幹映戶愁花叢誰云相去

遠垂柳對高桐 庾肩吾詩曰桃紅柳絮白照月復隨

風影出朱城外香歸青殿中水映寄生竹山橫半死桐

頒文知渥重搦札愧才空 鮑泉奉和湘東王春日詩

曰新燕始新歸新蝶復新飛新花滿新樹新月麗新輝
新光新氣早新望新盈抱新水新綠浮新禽新聽好新
景自新還新葉復新攀新枝雖可結新愁詎解顏新思
獨氛氲新知不可聞新扇如新月新蓋學新雲新落連
珠淚新點石榴裙聞人倩春日詩曰高臺動春色清
池映日華綠葵向光轉翠柳逐風斜林有鳴心鳥園多
奪目花相與咸知節歎子獨離家周庾信詠春詩曰
逍遙遊桂苑寂絕想桃源狹石分花徑長橋映水門管

聲驚百鳥人衣香一園定知歡未足橫琴坐樹根 宗

懍春望詩曰日暮春臺傍徙倚愛餘光都尉新移棗司
空始種楊一枝猶桂馥十步有蘭香望望無萱草忘憂
竟不忘 陳徐陵詩曰岸煙起暮色岸水帶斜暉逕狹

橫枝度簾搖驚燕飛落花承步履流澗寫行衣何殊九
芝蓋薄暮洞庭歸 張正見春初賦得池應教詩曰遙

天收密雨高閣映奔曦雪盡青山路冰銷綠水池春光
落雲葉花影發晴枝琴樽奉終宴風月豈云疲 隋煬

帝晚春詩曰洛陽春稍晚四望滿春輝楊葉行將暗桃

花落未稀窺簷燕爭入穿林鳥亂飛唯當關塞者濃露

方沾衣 楊休之春日詩曰遲遲暮春日藹藹春光上

柔露洗金盤輕絲綴珠網漸看堦莖蔓稍覺池蓮長蝴

蝶映花飛楚雀緣條響 蕭慤春庭晚望詩曰春庭聊

縱望樓臺自相隱窓梅落晚花池竹開新筍泉鳴知水

急雲來覺山近不愁花不飛到畏花飛盡 江總春詩

曰水苔宜溜色山櫻坐落暉浴鳥沉還戲飄花度不歸

又山庭春詩曰洗沐唯五日棲遲在一丘古槎橫近

澗危石聳前洲峰綠開河柳池紅照海榴野花寧待晦

山蟲詎識秋人生能復幾夜燭非長遊 增唐太宗詩

曰晦魄移中律凝暄起麗城罩雲朝蓋上穿露曉珠呈

笑樹花分色啼枝鳥合聲披襟歡眺望極目暢春情

原虞世南春夜詩曰春苑月徘徊竹堂侵夜開驚鳥排

林度風花隔水來 楊師道春朝閒步詩曰休沐乘閒

豫清晨步北林池塘藉芳草蘭芷襲幽襟霧中分曉日

花裏弄春禽野徑香恒滿山階筍屢侵何須命傾蓋桃
李自成陰 元萬頃奉和春日池臺詩曰日影花飛殿
風文積草池鳳樓通夜敞虬輦望春移 又奉和春日
詩曰花輕蝶亂仙人杏葉密鶯喧帝女桑飛雲閣上春
應至明月樓中夜未央 又曰鳳輦迎春乘紫閣鸞車
避日轉彤闌中堂促管淹春望後殿清歌開夜扉 增
崔日用奉和聖製春日幸望春宮詩曰東郊芳物正薰
馨素澹鳬鶯戲綠汀鳳閣斜通平樂觀龍旂直逼望春

亭光風搖動蘭英紫淑氣依遲柳色青渭浦明晨修禊
事羣公傾賀水心銘 蘇頲奉和聖製春日幸望春宮
應制詩曰東望望春春可憐更逢晴日柳含煙宮中下
見南山盡城上平臨北斗懸細草偏承廻輦處飛花故
落舞觴前宸遊對此歡無極鳥弄歌聲雜管絃 鄭愔
奉和聖製春日幸望春宮應制詩曰晨蹕凌高轉翠旌
春樓望遠背朱城忽排花上遊天苑却坐雲邊看帝京
百草香心初冒蝶千林嫩葉始藏鶯幸同葵藿傾陽早

願比盤根應候榮 楊衡詠春色詩曰靄靄復濛濛非

霧滿晴空密添宮柳翠暗泄露桃紅紫絲光乍失緣隙
影纔通夕迷鴛枕上朝漫綺絃中促馬馳香陌鶯轉
豔叢可憐腸斷望併在洛城中 春日偶題詩曰何處

春先到橋東水北亭凍花開未得冷酒酌難醒就日移

輕榻遮風展小屏更無人勸飲

集作不勞人勸飲

鶯語漸叮嚀

送春詩曰三月三十日春歸日復暮惆悵問春風明
朝應不住送春曲江上眷眷東西顧但見撲水花紛紛

不知數感時良未已獨倚池南樹今日送春心心如別
親故 杜甫即事詩曰暮春三月巫峽長晶晶行雲浮
日光雷聲忽送千峰雨花氣渾如百和香黃鶯過水翻
迴去燕子啣泥溼不妨飛閣捲簾圖畫裏虛無只少對
瀟湘 白居易春來詩曰春來觸動故鄉情忽見風光
憶兩京金谷蹋花香騎入曲江碾草細車行誰家綠酒
歡連夜何處紅樓睡失明獨有不眠不醉客經春冷坐
古湓城 又錢塘湖春行詩曰孤山寺北賈亭西水面

初平雲脚低幾處早鶯爭暖樹誰家新燕啄春泥亂花
漸欲迷人眼淺草纔能沒馬蹄最愛湖東行不足綠楊
陰裏白沙堤 李賀春畫詩曰朱城報春更漏轉光風
催蘭吹小殿草細堪梳柳長如線卷衣秦帝掃粉趙燕
日含畫幕風上羅薦平陽花塢河陽花縣越婦支機吳
蠶作繭菱汀繫帶荷塘倚扇江南有情塞北無限 白
行簡春從何處來詩曰欲識春生處先從木德來入門
潛報柳度嶺暗驚梅透雪寒光散銷冰水鏡開曉迎郊

騎發夜逐斗光迴淑氣寅中變新聲雨後催偏宜資律
呂應是候陽臺 賈島三月晦日贈劉評事詩曰三月
正當三十日風光別我苦吟身共君今夜不須睡未到
曉鐘猶是春 宋歐陽修豐樂亭遊春詩曰綠樹交加
山鳥啼晴風蕩漾落花飛鳥歌花舞太守醉明日酒醒
春已歸 紅樹青山日欲斜長郊草色綠無涯遊人不
管春將老來往亭前踏落花 王安石暮春詩曰春期
行晚晚春意賸芳菲曲水應修禊披香未試衣雨花紅

半隨煙樹碧相依，悵望夢中地。王孫底不歸。
范石湖

暮春上塘道中詩曰：客舍無煙野水寒，競船人醉鼓闌珊。
石門柳絮清明市，洞口桃花上巳山。飛絮著人春共老，
片雲將夢晚俱還。明朝遮入長安道，慙愧江湖釣手閒。
謝翱春日郊行詩曰：出門逢柳色，忽過野橋西。坐石看潮長，
隔花聞鳥啼。地隨芳草盡，樹與夕陽齊。不是桃源路，行人亦自迷。
真山民三月晦日詩曰：九十風光能有幾，東風遽作遠行人。
樽前莫惜今朝醉，明日鶯

聲不是春

朱子春日言懷詩曰春至草木變郊原猶

掩扉茲晨與心會覽物徧芳菲桃李破淺紅時禽悅朝
暉泉谷暖方融原田水初肥東作興庶眊歲功始在茲
端居適自慰世事復有期終然心所向農畝當還歸

呂祖謙春日詩曰短短菰蒲綠未齊汀洲水暖雁行低
柳陰小艇無人管自送流花下別溪 楊萬里三月廿
七日送春詩曰只餘三日便清和儘放春歸莫恨他落
盡千花飛盡絮留春不住欲如何 晚春即事詩曰尺

欽定四庫全書

仙定淵鑑類
卷十三

許新條長杏栽丈餘斑筍出牆隈
浪愁草草醪醕過不道婷婷芍藥來
唐子西春日郊外詩曰城中未省有
春光城外榆槐已半黃山好更宜餘
積雪水生看欲倒垂楊鶯邊日暖如
人語草際風來作藥香疑此江頭有
佳句為君尋取却茫茫元劉秉忠三
月詩曰背陰花木錦成叢幽谷鶯啼
上苑中李白桃紅楊柳綠天涯無處
不春風春日效宮體詩曰雨洗芳塵
絕點埃桃花零落海棠開沈香亭小
圍紅樹太液池清映綠苔夜月

也曾懸漢殿朝雲何只在陽臺六宮簾捲東風暖一派
仙音翠輦來 薩都刺京城春暮詩曰三月京城飛御
花燕姬白馬小紅車旌旗日暖將軍府絃管春深宰相
家小海銀魚吹白浪層樓珠酒出紅霞蹇驢破帽杜陵
客獻賦歸來日未斜 周權晚春詩曰輕車繁吹尚紛
紜袞袞香浮紫陌塵杜宇青山三月暮桃花流水一溪
雲東風旗旆亭中酒小雨闌干柳外人何許數聲牛背
笛天涯芳草正斜曛 又暮春詩曰綠樹亭亭午蔭遲

倦遊情思不成詩
落花春晚客中酒
啼鳥日長人正棋
盤篆香銷空院寂
鞦韆影閣畫闌歌
閑邊頗識觀魚興
飛絮風萍約半池
倪瓚春日詩曰
閉門積雨生幽草
歎息櫻桃爛熳開
春淺不知寒食近
水深唯有白鷗來
即看垂柳侵磯石
已有飛花拂酒杯
今日新晴見山色
還須拄杖蹋青苔
宋无春愁詩曰
金雁塵香暗鳳絃
紅繩風緊閣秋千
園林寂寞無鶯燕
一段春愁是杜鵑
明仁宗皇帝桃園春曉詩曰
曙光猶未分芳園露華

炫碧桃千萬樹鮮妍如錦絢隔林鶯語滑兩兩間關轉
掖垣將啓扉漏箭傳聲遠花底候宮車更覺東風軟

又陽春曲曰遲遲麗日照春宮陣陣芳塵花信風依依
弱柳含嬌翠爛爛夭桃埋淺紅黃鶯飛上花間語似勸
遊人邀酒侶醉燒銀燭作夜遊瞬息桃花落紅雨 肅

靖王春日田家詩曰屋後青山門外溪小橋遙接稻秧
畦人家遠近蒼煙裏桑柘陰陰戴勝啼 潘安王新春
詩曰東風一夜早春來梅萼飄香帳殿開旋簇五辛宜

稔歲太平無日不銜杯 蜀成王春日詩曰明窓長晝

獨從容單袷閒來坐暖風朱戶柳晴鶯未語閒堦苔淨
蟻相從茸茸草色吟邊綠灼灼花籌酒裏紅春事近來
渾不管楊花飄泊畫樓東 張羽尋春詩曰朝來微雨

罷何處可尋春冰散池容動煙銷柳意新穿林聽鶯遠
度陌問花頻但覺相逢處情親似故人 蔡羽早春詩

曰上日風清煙靄收長洲新水綠悠悠春回樹色流鶯
亂寒入花枝翡翠愁吳地月明人倚棹江邨笛好晚登

樓歸鴻不待天涯暖早折紅梅寄隴頭

原賦晉傳玄陽春賦曰虛心定乎昏中龍星正乎春辰
嘉句芒之統時宣太皞之威神素冰解而太液洽元獺
祭而雁北征乾坤絪縕冲氣穆清幽蟄蠢動萬物樂生
依依楊柳翩翩浮萍桃之夭夭灼灼其榮繁華爛而耀
野煒芬葩而揚英鵲營巢於高樹燕銜泥於廣庭覩戴
勝之止桑兮聆布穀之晨鳴樂仁化之普宴兮異鷹隼
之變形習習谷風洋洋綠泉丹霞橫景文虹竟天湛

方生懷春賦曰夫榮彫之感人猶色象之在鏡事隨化而遷迴心無主而虛映盼秋林而情悲遊春澤而心恧雖四時之平分何陽節之清淑日婉孌以舒和氣有仁而無肅雷響發於南山雨漸澤於四溟啓潛蟄於九泉收靈蛇於天庭修虹煥綠以東罔幽澗泮冰而流清鴻飄翮於歸風燕銜泥而來征鷺鳥感仁而革性鷦鷯乘化而變聲麥芄芄而含秀桑靄靄而敷榮華照灼以爛林葉婀娜以媚莖謝萬春遊賦曰青陽司候句芒御

辰陳條灌以摧枯初莖蔚其曜新窳豐葉而為帷靡翠
草而成裯於是遠嘯良儔近命嘉賓奏羽觴而交獻羅
絲竹以並陳詠新服之璀璨想舞雩之遺塵撫鳴琴而
懷古登修臺而樂春爾乃碧巘增邃灌木結陰輕雲晻
曖以幙岫和風清泠而啓襟 夏侯湛春可樂賦曰春

可樂兮樂東作之良時嘉新田之啓萊悅中疇之發菑
桑冉冉以奮條麥遂遂以揚秀澤苗翳渚原卉耀阜春
可樂兮樂崇陸之可娛登夷岡以迴眺超矯駕乎山隅

綴雜華以為蓋集繁蕤以飾裳散風衣之馥氣納戢懷
之潛芳鸞交交以弄音翠翩翩以輕翔招君子以偕樂
攜淑人以微行 王虞春可樂曰春可樂兮樂孟月之
初陽冰泮渙以微流土冒櫛而解剛野暄卉以揮綠山
蔥蒨以發蒼 李顥悲四時曰悲春日兮悲陽澤之方
宣建靈威以延蟄叩東震而響天布和氣之綢繆舒朗
景之淑鮮雲興滋於秀石飈鳴柯於崇山平臯眇莽中
林蔥青野馬飛澗晨虹垂旌陽燕南徂陰鴈北征素華

皓皓丹秀熒熒 宋劉義恭感春賦曰聽時禽之弄音

信關關以嚶嚶悲陽鴻之赴朔憐春燕之入楹天晝曖

而流雲日陰翳而淪精風淑穆而吹蘭雨濛濛而洗莖

草承澤而擢秀花順氣而飛馨 梁簡文帝晚春賦曰

待餘春於北閣藉高譙于南陂水篩空而照底風入樹

而香枝嗟時序之迴幹歎物候之推移望初篁之傍嶺

愛新荷之發池石憑波而倒植林隱日而橫垂見游魚

之戲藻聽驚鳥之鳴雌樹臨流而影動巖薄暮而雲披

既浪激而沙浮亦苔生而徑危 孝元帝春賦曰洛陽

小苑之西長安大道之東苔染池而盡綠桃含山而併

紅露沾枝而重葉網縈花而曳風 周庾信春賦曰宜

春苑中春已歸披香殿裏作春衣新年鳥聲千種囀二

月楊花滿路飛河陽一縣併是花金谷從來滿園樹一

叢香草足礙人數尺遊絲即橫路開上林而競入擁河

橋而爭渡出麗華之金屋下飛燕之蘭宮釵朶多而訝

重髻鬟高而畏風斜將柳而爭綠面共桃而競紅影來

池裏花落衫中苔始綠而藏魚麥纔青而覆雉吹簫弄
玉之臺鳴佩凌波之水移戚里而家富入新豐而酒美
石榴聊泛蒲桃醅芙蓉玉盃蓮子金杯新芽竹筍細
梳楊梅綠珠捧琴至文君送酒來玉管初調鳴絃暫撫
陽春淥水之曲對鳳迴鸞之舞更炙笙簧還移箏柱月
入歌扇花承節鼓協律都尉射雉中郎停車小苑連騎
長楊金鞍始被柘弓新張拂塵看馬埒分朋入射堂馬
是天池之龍種帶乃荆山之玉梁豔錦安天鹿新綾織

鳳凰三日曲水向河津日晚河邊多解神樹下流杯客
沙頭度水人鏤薄窄衫袖穿珠帖領巾百丈山頭日欲
斜三晡未醉莫還家池中水影懸勝鏡屋裡衣香不如
花北齊蕭慤春賦曰落花無限數飛鳥排花度禁苑
至饒風吹花春滿路巖前片石迥如樓水裏連沙聚作
洲二月鶯聲纔欲斷三月春風已復流分流繞小渡塹
水還相注山頭望水雲水底看山樹舞餘香尚在歌盡
聲猶住麥壠一驚顰菱潭兩飛鷺增唐王勃春思賦

曰若夫年臨九域韶光四極解宇宙之嚴氣起亭舉之
春色况風景兮同序復江山之異國感大運之盈虛見
長河之紆直蜀川風候隔秦川今年節物異常年霜前
柳葉銜霜翠雪裏梅花犯雪妍霜前雪裏知春早看柳
看梅覺春好思萬里之佳期憶三春之遠道澹蕩春色
悠揚懷抱野何樹而無花水何堤而無草於是僕本浪
人平生自淪懷書去洛抱劒辭秦惜良會之道邁厭他
鄉之苦辛忽逢邊候改遙憶帝鄉春帝鄉迢遞關河裏

神臯欲暮風煙起黃山半入上林園元灞斜分曲江水
玉臺金闕紛相望千門萬戶遙相似昭陽殿裏報春歸
未央臺上看春暉水精却挂鴛鴦幔雲母斜開翡翠幃
競道西園梅色淺爭知北闕柳陰稀斂態調歌扇迴身
正舞衣銀蠶吐絲猶未暖金燕銜泥試學飛洛陽宮城
紛合沓離房別殿花初匝河陽別舍抵長河丹輪紺幃
相經過戚里繁珠翠中閨盛綺羅鳳移金谷舞鶯引石
城歌向夕天津洛橋暮爭驅紫燕黃牛渡閑居伊水國

舊宅邛山路武子新布金錢埒李倫欲償珊瑚樹復有

西墉春霧寡更值南津春望寫入金市而乘羊出銅街

而試馬葉抱露而爭密花牽風而亂下錦障縈山羅幃

照野司空令尹之博物二陸三張之文雅新年柏葉之

尊上已蘭英之筍春來併是春何啻兩違秦忽逢江外

客復憶江南春羅衣乘北渚錦袖出東隣江邊小婦無

形迹待怨狂夫事行役鳳凰山上花無數鸚鵡洲中草

如積春江澹容與春期無處所春水春魚樂春汀春雁

舉君道玉門關何如金陵渚為問逐春人年光幾處新
何年春不至何地不宜春亦有當春逢遠客亦有當春
別故人風物雖同候悲歡各異倫歸去來春山恣閑放
蕙畹蘭皋行可望何為悠悠坐惆悵比來作客住臨邛
春風春日自相逢石鏡巖前花屢密玉輪江上葉頻濃
高平灞岸三千里少道梁山一萬重自有春花煎別思
無勞春鏡照愁容盛年眇眇辭鄉國長路遙遙不可即
形隨朗月驟東西思逐浮雲幾南北春蝶參差命儔侶

春鶯綿蠻思羽翼余復何為此方春長歎息會當一舉
絕風塵翠蓋朱軒臨上春朝昇玉署調天紀夕憩金閨
奉帝綸長卿未達終希達曲逆長貧豈剩貧年年送春
應未盡一旦逢春自有人 李邕春賦曰肇木德以周
仁啓春生而賦質二儀泰而廣運三正合而元吉和氣
靄兮充寓光風瀏兮被物豈因時而則舒亦樂道而奚
恤爾乃楊迴曲沼李雜芳園條煙濃而曳地花錦縟而
當軒玉顏景照羅袂風翻惋良人之讐信省賤妾而銜

恩蝶栩栩兮夢感鳥嚶嚶兮思存戛瑤柱以絙瑟引金
竿而浮樽俯候軒而下泣貽韶物而何言 李白惜餘
春賦曰天之何為令北斗而知春兮迴指於東方水蕩
漾兮碧色蘭歲蕤兮紅芳試登高兮遠望極雲海之微
茫魂一去兮目斷淚流顏兮成行吟清風兮詠滄浪懷
洞庭兮悲瀟湘何余心之縹緲兮與春風而飄揚思飄
揚兮無限念佳期兮莫展平原萋兮綺色變芳草兮如
剪惜餘春而將闌每為恨而不淺

立春一

原禮記月令曰立春之日東風解凍蟄蟲始振魚上冰

國語曰農祥晨正

唐固注曰農祥房星晨正晨見東方謂立春之日也

孝經

緯曰大寒後十五日斗指東北維為立春 易通卦驗

曰立春條風至雉雊雞乳冰解楊柳津宋均注曰條風者條達萬方之風 又曰立春少陽雲出房如積水

孝經鉤命訣曰先立春七日勅獄吏決詞訟有罪當入無罪當出立春勅門欄無關鑰以迎春之精下弓載楯

鼓示時聲動昆蟲也 月令注曰立春日出土牛以示

農耕之早晚謂于國城之南立土牛立春日在十二月
望策牛人近前示其農早立春在十二月晦及正月朔
則策牛人當中示其農中立春在正月望策牛人在後
示其農晚 五經通義曰立春條風至赦小罪出稽留
周書時訓曰立春之日東風不解凍號令不行蟄蟲
不振陰氣姦陽魚不上冰甲冑私藏 皇覽逸禮曰距
冬至四十五日天子迎春於東堂堂高八尺堂階三等

青稅八乘旗旄尚青田車載矛號曰助天生唱之以角舞之以羽翟此迎春之樂也 史記天官書曰立春四

時之卒始也

索隱曰謂立春日是去年四時之終卒今年之始也

論衡曰立春

為土象人男女各二秉耒耜或立土象牛順時應氣示

率下也 物理論曰立春日取宏農宜陽金門山竹為

管河內葭草為灰以候陽氣

按續漢書曰以葭莩灰實律之端氣至則灰飛

要覽曰列子御風常以立春歸乎八荒

詳秋

陶朱公養

魚經曰取鯉魚以立春後上庚日放之則生子不相食

四民月令曰凡立春日食生菜不過多取迎新之意而已及進漿粥以導和氣 四時寶鏡曰立春日春餅生菜號春盤 四時纂要曰立春日貯水謂之神水釀酒不壞

立春二

原左傳郊子對孔子曰少皞摯為鳥師而鳥名青鳥氏司啓者也

青鳥倉庚也以立春鳴立夏止故為司啓

月令曰孟春之月是

月也以立春天子乃齋立春之日親率公卿諸侯大夫

以迎春于東郊還反賞公卿大夫于朝布德和令行慶
施惠下及兆民 周禮曰以青珪禮東方注曰禮東方

以立春謂蒼精之帝故青珪以象春物之初生 左傳

曰凡分至啓閉必書雲物為備故也立春為啓立冬為

閉 漢書禮儀志曰立春之日夜漏未盡五刻京都百

官皆衣青衣郡國縣道官下至令史皆服青幘立青旛

施土牛耕人于門外以示兆民 又曰立春之日下寬

大書曰制詔三公方春東作敬始慎微動作從之罪非

殊死且勿案驗皆須麥秋 又曰太史上其年歷立春

立夏立秋立冬讀五時令皇帝所服各隨五時之色帝

升御座尚書以下就席伏讀訖賜酒一卮 又曰元始

中故事兆五郊于洛陽四方壇皆三尺階無等立春之

日迎春于東郊祭青帝勾芒

月令章句曰東郊去邑八里因木數也

又

曰立春之日皆青幡幘迎春于東郊外令一童男冒青

巾衣青衣先在東郭外野中迎春至者自野中出則迎

者拜之而還

荆楚歲時記曰立春日悉剪綵為燕以

戴之貼宜春二字傳咸燕賦有其言矣

按傳咸燕賦云四時代至敬迎

其始彼應于東方乃設燕以迎至翬輕翼之岐岐若將飛而未起何夫人之工巧式儀型之有似御青書以贊

時著宜春之嘉祉

又曰立春日為拖鉤之戲以鞭作筏纜相

罾綿亘數里鳴鼓牽之

按公輸自遊楚為載舟之戲退則鉤之進則強之名曰鉤強後

以鉤為戲起此

撫遺曰東晉李鄂立春日以蘆葍芹芽為菜

盤相餽遺

撫言曰安定郡王立春日作五辛盤 增

文昌雜錄云唐制立春日賜三省官綵勝有差 景龍

文館記曰唐景龍四年正月八日立春上令侍臣自芳

林門經苑東展仗入至望春宮迎春內出綵花樹人賜
一枝景龍中中宗孝和帝以立春日宴別殿內出剪綵
花令學士賦詩宋之問詩云今年春色好應為剪刀催
唐書曰開元二十五年制自今後立春之日朕當率
公卿親迎春東郊其夏及秋以孟月朔於正殿讀時令
又曰乾元元年十二月二十八日丙寅立春御宣政
殿令太常卿于休烈讀時令會要通典云讀春令常參
官五品以上升殿序坐而聽之 修真入道祕言曰立

春日清明北望有紫綠白雲者為三元君三素飛雲也
乘八輿之輪上詣天帝天子候見再拜之唐試進士以
立春日望三素雲詩為題蓋出於此 夢華錄云立春
日自郎官御史寺監長貳以上皆賜春幡勝以羅為之
宰執親王近臣皆賜金銀幡勝入賀訖戴歸私第又士
大夫家剪綵為小幡謂之春幡或懸於家人之頭或綴
於花枝之下或剪為春蝶春錢春勝以為戲東坡立春
日亦簪幡勝過子由諸子姪笑指云伯伯老人亦簪幡

勝耶

立春三

增擊牛

戴燕

夢華錄云立春前五日並造土牛及耕夫犁具于大門之外是日黎明有司為

壇以祭先農官吏各具綠仗擊牛者三所以示勸農之意

下詳立春二

貼字

進書

沂王

公皇帝閣立春帖子云北陸凝陰盡千門淑氣新年年金殿裏寶字貼宜春

西陽雜俎云北朝婦人立春日

進春書以青綵為幟刻龍象銜之或為蝦蟇

薦生菜

賜綵花

俱詳立春二

賜幡勝

作辛盤

俱詳立春二

立春四

增上學

通攷云立春日上學吉清晨煮白芷桃驅儼江皮青木香三種東向沐浴大吉能進學

俗于立春日驅儼演戲與元日同

歌青陽 舞雲翹

漢郊祀志云元始中立春之日

迎氣于東郊歌青陽八佾舞雲翹之舞

洞庭春色

歲時記云立春日以黃柑釀酒謂之洞庭

春色 循行風俗

立春遣使循行風俗

立春五

原詩梁簡文帝春日詩曰昨日看梅樹新花已自生今

旦聞春鳥何啻兩三聲凍解池開綠雲開天半晴 沈

約初春詩曰扶道覓陽春相將共攜手草色猶自非林

中都未有無事逐梅花空教信楊柳且復歸去來含情

寄杯酒 周庾信詠春詩曰昨夜鳥聲春驚鳴動四隣

今朝梅樹下定有詠花人流星浮酒泛粟瑱繞杯唇何
勞一片雨喚作陽臺神 又春旦詩曰宜年動春律御

宿歛寒芬楊柳成歌曲蒲桃學繡紋 宗慄早春詩曰

昨暝春風起今朝春氣來鶯鳴一兩轉花樹數重開散

粉成初蝶剪綵作新梅遊客傷千里無暇上高臺 陳

後主立春日泛舟元圃詩曰春光返禁苑暖日暖源桃

石苔侵綠蘚岸草發青袍迴歌逐轉櫂浮冰隨度舫

又獻歲立春光風具美汎舟元圃詩曰寒輕條已翠春

初未轉禽野雪明巖曲山花照迴林苔色隨水溜樹影

帶風沈沙長見水落歌遙覺浦深餘暉斜四戶流風颺

八音 徐陵立春詩曰風光今旦動雪色故年殘薄夜

迎新節當鑪却晚寒奇香分細霧石炭擣輕紈竹葉裁

衣帶梅花奠酒盤 張正見春初詩曰遙天收密雨高

閣映奔曦雪盡青山路冰消綠水池 唐太宗早春詩

曰寒隨窮律變春逐鳥聲開初風飄帶柳曉雪間花梅
碧林青舊竹綠沼翠新苔芝田初雁去綺樹未鶯來

中宗立春日遊苑迎春詩曰神臯福地三秦邑玉臺金
闕九仙家寒光猶戀甘泉樹淑景偏臨建始花綵蝶黃
鶯未欲舞梅香柳色已堪誇迎春正啓流霞席暫囑曦
輪勿遽斜 陳叔達首春詩曰雪花連玉樹冰彩散瑤
池翔禽遙出沒積翠遠參差 又早春桂林殿應詔詩
曰金鋪照春色玉律動年華朱樓雲似蓋丹桂雪如花

水岸銜堦轉風條出柳斜輕輿臨太液湛露酌流霞

上官儀奉和初春詩曰步輦出披香清歌臨太液曉樹
流鶯滿春堤芳草積風色翻露文雪花上空碧花蝶來
未已山光暖將夕 增杜審言和晉陵陸丞相早春遊

望詩曰獨有官遊人偏驚物候新雲霞出海曙梅柳渡
江春淑氣催黃鳥晴光轉綠蘋忽聞歌古調歸思欲沾
巾 宋之問奉和聖製立春日侍宴內殿出剪綵花應
制詩曰金閣妝仙杏瓊筵弄綺梅人間都未識天上忽

先開蝶繞香絲住蜂憐綵豔迴今年春色早應為剪刀
催 沈佺期奉和立春遊苑迎春應制詩曰東郊暫轉
迎春仗上苑初飛行慶杯風射蛟冰千片斷氣衝魚鑰
九關開林中覓草纔生蕙殿裏爭花併是梅歌吹銜恩
歸路晚棲鳥半上鳳城來 崔日用奉和立春遊苑迎
春應制詩曰乘時迎氣正璿衡灞澹烟氛向曉清剪綺
裁紅妙春色宮梅殿柳識天情瑤筐綵燕先呈瑞金縷
晨鷄未學鳴聖澤陽和宜宴樂年年捧日向東城 武

平一奉和立春日內出綵花樹應制詩曰鑾輅青旂下

帝臺東郊上苑望春來黃鸝未解林間囀紅藥先從殿

裏開畫閣條風初變柳銀塘曲水半含苔正逢睿藻光

韶律更促霞觴畏景催 李白早春寄王漢陽詩曰聞

道春還未相識走傍寒梅訪消息昨夜東風入武陽陌

頭楊柳黃金色碧水浩浩雲茫茫美人不來空斷腸預

拂青山一片石與君連日醉壺觴 趙彥昭奉和聖製

立春日侍宴內殿出剪綵花應制詩曰剪綵迎初候攀

條故寫真花隨紅意發葉就綠情新嫩色驚銜燕輕香

誤採人應為東風拂能令芳樹春 劉威早春詩曰曉

來庭戶外草樹似依依一夜東風起萬山春色歸冰消

泉脉動日暖露花晞已醞看花酒嬌鶯莫預飛 暢諸

早春詩曰獻歲春猶淺園林未盡開雪和新雨落風帶

舊寒來聽鳥聞歸雁看花識早梅生涯知幾日更被一

年催 張濯迎春東郊詩曰顓頊時初謝句芒令復陳

飛灰將應節賓日已知春考歷明三統迎祥受萬人衣

冠宵執玉壇，暉曉清塵肅。穆來東道廻，環供北辰仗。前
花待發旂，處柳迎新雲。歛黃山際冰，開素瀍濱聖。朝多
慶賞希，為薦沈淪。元稹和樂天早春見寄詩曰：雨香
雲澹覺微和，誰送春聲入棹歌。萱近北堂穿土早，柳偏
東面受風多。湖添水劑消殘雪，江送潮頭湧漫波。同受
新年不同賞，無由縮地欲如何。王綽迎春東郊詩曰：
玉管潛移律，東郊始報春。鑾輿膺寶運，天仗出佳辰。膏
澤光時革，恩輝及物新。虬螭動旌旆，煙景入城闔。御柳

初含色龍池漸啓津誰憐在陰者得與蟄蟲伸 冷朝

陽立春詩曰玉律轉佳節青陽應北辰土牛呈歲稔絲
燕表年春臘盡星迴次寒餘月建寅風光何處好雲物
望中新流水初銷凍潛魚欲振鱗梅花將柳色偏思越
鄉人 曹松立春詩曰春日一杯酒便吟春日詩木梢
寒未覺地脉暖先知鳥嘯星沈後山分雪薄時寧無剪
花手贈與最芳枝 宋范成大立春日郊行詩曰竹擁
溪橋麥蓋坡土牛行處亦笙歌麴塵欲暗垂垂柳酩面

初明淺淺波日滿縣前春市合潮平浦口暮帆多春來

不飲兼無句奈此金幡綵勝何 朱喬年立春日雷詩

曰陌上冬乾泣老農天留甘雨付春工阿香急試雷霆
手莫放人間有卧龍 元柳貫立春日詩曰江上迎春

春日稀跨鞍真似早朝歸飲釐夢惜紅螺小霑賜心驚
綵燕飛沐罷為慙呼鏡鑷宴回容我從旌旂東風若也
勤披拂莫遣寒梅一點飛 明李東陽立春日車駕詣
南郊詩曰暖香和露繞蓬萊彩仗迎春曉殿開北斗舊

杓依歲轉南郊佳氣隔城來雲行複道龍隨輦霧散仙
壇日滿臺不似漢家還五時甘泉誰羨校書才

原頌劉臻妻獻春頌曰玄陸降坎青遶升震陰祗送寒
陽靈迎春

原歌隋青帝歌曰震宮初動木德惟仁龍精戒旦鳥歷
司春

春分一

原尚書曰日中星鳥以殷仲春注云日中謂春分之日

也鳥南方朱鳥七宿春分之昏鳥星畢見以正仲春之

氣節 禮記曰春分之日玄鳥至雷乃發聲始電蟄蟲

咸動啓戶始出 又曰日夜分則同度量均衡石角斗

角正權概

注曰因日夜等而平常平也

又曰春分之日祀朝日於

東郊 周禮曰保章氏以五雲之物辨吉凶水旱降豐

荒之祲象

注曰以二至二分觀雲色也

又曰春分之日祭馬祖

注曰

祭于大澤用剛日

春秋正義曰一年分為四時時皆九十餘

日春之半秋之半晝夜長短等晝夜中分百刻故春秋

之半稱春秋分 增又曰日月之行也分同道也注云

日夜等故曰同道 原孝經緯曰驚蟄後十五日斗指

卯為春分 易通卦驗曰震東方也主春春分日出時

青氣出直震此正氣出也氣出右萬物半死氣出左蛟

龍出震氣不至則歲中少雷萬物華而不實人民疾熱

應在其衡 逸周書曰春分之日玄鳥不至婦人不嗣

孝經說曰天有七衡春分之日日在中衡 晉天文

志曰老人星曰南極以春分之夕見于丁 增又曰老

人星見則治平主壽昌 明會典曰春分之日祭大明
之神甲丙戌庚壬年帝親祀餘年遣大臣攝祭 原白
虎通曰明庶風春分至王者正封疆修田疇 增風俗
通曰鼓者動也春分之音萬物含陽皆鼓甲而動也

歲時百問曰一年三百六十日一日十二時一時八刻
一日百刻此常數也故成周挈壺以百刻分晝夜至春
分則晝夜各五十刻而晝夜平分故曰春分陽之中也
乃二月之中氣也 唐韻曰鷦鷯鳥名關西曰巧婦關

東曰鷦鷯春分鳴則衆芳生秋分鳴則衆芳歇服虔曰鷦鷯一名鷽即伯勞也

春分二

原禮記曰玄鳥至之日以太牢祠於高禩註高辛之世玄鳥遺卵娥簡吞之而生契以為嘉祥而立祠故以玄鳥至日祀之以祈嗣也 增說文曰祀高禩以請子請子必以乙至之日者春分來秋分去開生之候鳥帝少昊司命之官也 左傳曰僖公五年正月辛丑朔日南

至公既視朔遂登臺以望而書禮也凡分至啓閉必書雲物為備故也 家禮曰祭用二分二至程子曰時祭用仲月家禮前旬詣祠堂以琰珏卜日朱子曰卜日無定慮有不虔溫公曰孟詵家祭儀用二分二至甚便

春分三

增朝日

書雲

上詳春分一
下詳春分二

晝夜等

度量同

俱詳春分

一
原雷雨行

陽雲出

易通卦驗云春分明庶風至雷雨行桃始華又云春分

則陽雲出張
精如白鷁

增星曰南極

氣出東方

震東方也主
春分日出青

欽定四庫全書

律呂精義卷十三

氣出直震此正氣也
南極詳前

春分四

原玄鳥至

周書云春分之日玄鳥至

鳥星見

詳春分一

退貪殘

進溫

良

京房易妖占云春分退貪殘進溫良賑不足求隱逸

中氣

同道

俱詳春分一

增春分鼓音

詳春分一

樂律分數

春分二月申四陽生四九三十六併體數為六十六

故夾鐘六

十六分

御定淵鑑類函卷十三

欽定四庫全書

子部
御定淵鑑類函卷十四

詳校官宗人府府丞臣實芳

主事臣祁韻士覆勘

總校官檢討臣何思鈞

校對官中書臣孫梅

謄錄監生臣陳太初

欽定四庫全書

御定淵鑑類函卷十四

歲時部三

夏至

立夏

夏一

原禮記曰南方者夏夏之為言假也長之養之假之仁

也爾雅曰夏為朱明一曰長贏增又曰夏為昊天

又曰夏祭曰薦又曰四月為余五月為皋六月為

且釋名曰夏五月謂之蕤賓蕤者下也賓者敬也言

陽氣下陰氣上極陰氣始賓敬之也 易統通圖曰夏

日月行東南赤道曰南陸 原尚書曰申命羲叔宅南

交日永星火以正仲夏鳥獸希革 增又曰夏暑雨小

民唯曰怨咨 尚書大傳曰夏昏火正可以種黍 原

尚書考靈曜曰火星為夏期專陽相同精感符 增詩

曰四月秀萋五月鳴蜩 又曰綢繆束楚三星在戶

三星

五月中
直戶也

又曰維此六月既成我服 又曰六月食鬱

及薁 又曰五月斯螽動股六月莎雞振羽 又曰四

月維夏六月徂暑 又曰無冬無夏值其鷺羽 又曰

冬之夜夏之日百歲之後歸于其室 原詩含神霧曰

曹地處季夏之位土地勁急音中徵其聲清以急 禮

記月令曰孟夏之月日在畢昏翼中旦婺女中 鄭玄注曰孟夏

者日月會於寶沈而斗建巳之辰 其日丙丁 丙炳也萬物皆炳然著見而強大 其帝炎

帝其神祝融 此赤精之君火官之臣炎帝大庭氏也祝融顓頊氏之子曰黎為火官正者 律

中仲呂 高誘注曰陽散在外陰實在中所以旅陽成功故曰仲呂也 螻蛄鳴蚯蚓出

王瓜生苦菜秀 螻蛄蛙也王瓜薝蔔也高誘曰螻蛄蝦蟇蟄也薝蔔結反 靡草死麥

秋至斷薄刑決小罪

靡草薶葍
蘼之屬

仲夏之月日在東井昏亢

中旦危中

鄭玄注曰仲夏者日月會於鶉首而斗建午之辰

律中蕤賓

高誘曰是月陰

氣萎蕤在下象主人陽氣在上象賓客

小暑至蟥蝦生反舌無聲

蟥蝦蟪也

反舌百舌鳥高誘曰蟥蝦代謂之天馬一名鼈虎充豫謂之巨斧是月陰作於下陽散於上反舌百舌也變易

其聲倣百鳥之鳴故謂之百舌也

鹿角解蟬始鳴半夏生木槿榮

木槿玉蒸

也名薺一名觀

季夏之月日在柳昏火中旦奎中

鄭康成曰季夏

者日月會於鶉火而斗建未之辰

律中林鍾溫風至蟋蟀居辟

按爾雅曰蟋蟀

蜚劉劭注云謂蜻蛚也孫炎云梁國謂之蜚郭璞云今促織也蜚音義或作蛩方言蜻蛚楚謂之蟋蟀似蝗而

小正黑有光澤如漆有角翅一名
蒼一名蜻蛚幽州人謂之促織

鷹乃學習腐草化為

螢

鷹學習謂攫搏
螢飛蟲螢火也

又曰仲夏之月天子羞以含桃先

薦寢廟蟬始鳴木槿榮可以居高明可以遠眺望可以

升山陵可以處臺榭增又曰樂正崇四術立四教冬

夏教以詩書又曰凡樂春夏學干戈又曰春作夏

長仁也又曰明堂位曰季夏六月以禘左傳曰龍

見而雩國語曰夏日可畏原夏小正曰四月昴則

見

昴星名

又曰五月參見則蜋蜩鳴

蜋蜩者
五彩具

初昏大火

中

大火
心星

增考經說曰斗指午為夏原考經緯周天

七衡六間曰立夏後十五日斗指巳以為小滿增史

記曰墨者亦向堯舜言德行曰夏日葛衣冬日鹿裘

前漢書曰朱明盛長敷與萬物敷華就實既阜既昌

又曰夏則火王其精在天溫暖之氣養生百木又曰

太陽者南方南任也陽氣任養物於時為夏夏假也物

假大乃宣平原續漢書律厯志曰日行南陸謂之夏

增後漢書張純奏議曰禮三年一禘五年一禘禘祭

以夏四月夏者陽氣在上陰氣在下故正尊卑之義也

原梁元帝纂要曰夏曰朱明

氣赤而光明

朱夏炎夏三夏

九夏天曰昊天

言氣浩汗

風曰炎風節曰炎節草曰茂草雜

草木曰蔚林茂林密樹茂樹孟夏亦曰維夏首夏季夏

亦曰徂暑

徂往也言暑始往

增莊子曰井鼃不可以語海夏

蟲不可以語冰

原文子曰政失於夏熒惑逆行夏政

不失則降時雨

增管子曰夏日不煬非愛火也 又

曰九暑至時雨乃降五穀百果乃登

鄒子曰季夏取

桑柘之火 原尸子曰夏為樂南方為夏夏興也南任

也是故萬物莫不任興蕃殖充盈樂之至也 淮南子

曰孟夏之月南宮御女赤色衣赤衣吹竽笙 增又曰

炎風之野赤帝祝融之所司 鵠冠子曰斗柄南指而

天下皆夏 董子曰陽常居大夏以生育長養為事

論衡曰虎出有時猶龍見有期也陰物以冬見陽蟲以

夏出出應其氣氣動其類參昴以冬出心尾以夏見參

昴則虎星心尾則龍象星出而物見氣至而類動天地

之性也

崔寔政論曰夏扈趣耘鋤

即竊脂亦呼播穀

三統

歷曰立夏為四月節小滿為四月中氣小滿者言物長於此小得盈滿芒種為五月節夏至為五月中氣芒種者言有芒之穀可稼種也小暑為六月節大暑為六月中氣小暑大暑者就極熱之中分為大小月初為小月半為大西京雜記曰陽德用事則和氣皆陽建巳之月是也故謂之正陽之月四月陽雖用事而陽不獨存此月純陽疑於無陰故亦謂之陰月素問岐伯曰春

勝長夏長夏勝冬注長夏者六月也土生於火長在夏
中既長而王故云長夏也 蔡邕月令章句曰百穀各
以其初生為春熟為秋故麥以孟夏為秋 原楚辭曰
滔滔孟夏草木莽莽 又曰收恢台之盛夏 增文粹
曰離位克明火中宵見峰雲暮起景風晨扇 太原注
曰萬物豐於熏夏耗於元冬 陸機纂要曰夏樹名連
陰夏雨名緜雨

夏二

增淮南子曰武王陰暘人於柳下而天下懷世說曰

武王見暘人王自左擁而右扇之國語曰魯宣公夏

濫於泗淵里革斷其罟而棄之曰古者大寒降土蟄發
水虞於是乎講農畱取名魚登川禽而嘗之寢廟行諸
國人助宣氣也今魚方別孕不教魚長又行網罟貪無
藝也公曰吾過矣里革匡我是良罟也嵇康高士傳

曰被裘公者吳人延陵季子出遊中道見有遺金顧而
謂公曰取彼金公投鏹瞋目拂手而言曰何子之高而

視之卑五月披裘而負薪豈取金者哉季子大驚旣謝而問其姓名曰吾子皮相之士而安與語姓名也 原淮南子曰鄒衍事燕惠王盡忠左右譖之王繫之仰天而哭夏五月為之下霜 增漢書曰中尚暑五月獻綏帶 史記曰漢武帝始幸雍郊見五帝以孟夏四月荅禮焉 又曰漢元帝永初元年四月日色青白無影正中時有影無光是夏寒至九月日乃有光 桓子新論曰元帝被病廣求方士漢中逸人王仲都者詔問所能

為對曰但能忍寒暑耳因為待詔至夏大暑日使暴坐
又環以十爐火不言熱而身汗不出 謝承後漢書曰
宋均為九江太守五日一視事夏以平旦 又曰袁紹
在河朔每至夏大飲曰避一時之暑故號為河朔飲
晉書曰肅慎國一名挹婁夏則巢居 晉陽秋曰車盾
字武子家貧讀書常不得油夏月則練囊盛數十螢以
夜繼日 南史曰梁何遠為武昌太守武昌俗皆汲江
水盛夏遠患水熱每以錢買人井寒水不受錢者則以

水還之其他事率多此類 唐書曰高帝夏宴蒲萄園

賜朱櫻惟宰相及學士得從行給翔麟馬帝賦詩學士

屬和 開元遺事曰長安富人每至暑伏中各於林亭

內植畫柱以錦結為涼棚設坐具召長安名姝閒坐通

請為避暑會 又曰王元寶都中巨豪也家有皮扇製

作甚精寶每暑月宴賓客即以此扇置於坐前使新水

灑之則颯然風生酒筵之間客有寒色遂命撤去明皇

亦曾差中使取看愛而不授曰此龍皮扇子也 杜陽

雜編曰李輔國家夏則於堂中設迎涼草其象類碧而
幹似苦竹葉細如松雖若乾枯而未嘗彫落盛暑挂之
窓戶間則涼風自至 老學菴筆記曰成都之俗每歲
四月十九日士女泛舟浣花谿之百花潭府尹亦至
上置酒高會設水戲渡盡樂而返相傳唐冀國夫人故
事也四月十九日成都謂之浣花遨頭宴於杜子美草
堂滄浪亭傾城皆出錦繡夾道蜀人云雖戴白之老未
嘗見浣花日雨也 北夢瑣言曰蜀孟知祥其軍戰勝

董璋時軍中暑熱知祥巡行撫問三軍忻然如熱而濯
括地圖云天毒國最大暑熱夏木皆乾死民善沒水
以避日遇時暑常入寒泉之下 武昌記曰樊山東有
小溪盛夏時凜然常有寒氣故謂之寒溪

夏三

原龍見

鶉棲

左傳曰龍見而雩注云龍見建巳之月
蒼龍七宿之體昏見東方 張衡應問

曰溽暑至而鶉火棲
寒冰返而黿鼉蟄

麥秋

梅雨

禮記曰孟夏麥秋
至詳夏一 周處

風土記曰梅熟
時雨謂之梅雨

翔鵑

鳴蟬

禮記仲夏之月鵑始鳴
李顯羨夏篇曰咧咧林

蜩鳴翩翩鳴鵲
翔下詳夏至

榮槿

秀萼

上詳夏一
毛詩曰四
月秀萼注不榮而實曰

秀萼
草也

草滋

木蔚

曹植古樂府豔歌行曰夏節純和
天清涼百草滋植舒蘭芳下見

傅元述
夏賦

素榛

朱李

左思蜀都賦曰朱櫻春就素榛
夏成魏文帝與吳質書曰浮

甘瓜于清泉沈
朱李于寒冰

炎風

熾日

陳琳大暑賦曰土潤溽
以鼓蒸時渙以混濁

溫風鬱其彤彤譬炎火之陶燭
帝掌節祝融司方維扶桑之高燎熾九日之重光
曹植大暑賦曰炎

朱輅

赤旗

禮記孟夏之月天子居明堂左个乘朱輅
兵書曰夏出兵赤旗在前執戟前行

象德封功

范子計然曰德取象于春夏
利取象於秋冬下詳夏至

風觀

冰臺

潘岳關中記曰桂宮一名甘泉又作迎風觀寒露
臺以避暑陸翽鄴中記曰石季龍于冰井臺藏

冰三伏之日
以冰賜大臣

祭泰 羞桃

上詳立夏
下詳夏一

均管

頒冰

禮記曰仲夏之月命樂師修鞀鞀鼓以均琴瑟管簫

周禮曰凌人掌夏頒冰注云暑氣盛以冰頒賜

環爐

交扇

上詳夏二
之月詣謝公

劉義慶世說曰郝嘉賓三伏

雷汗
流離

嘯風

漱露

王粲大暑賦曰仰庭熠而嘯風風
既至其如湯氣呼吸以祛和汗雨

下而雷裳

王度扇上銘曰朱明赫離光
啓窻來清風服綵漱雲露體夷神自融

糞田

染

綵

可以糞田疇可以美疆土
文章必以法故無或差忒以供郊廟祭祀之服以為

旗章以別貴
賤等級之度

濯枝雨

飛芒露

周處風土記曰仲夏
濯枝盡川注云此節

常有大雨名濯枝
下見傅元送夏賦

黃雀風

丹魚水

周處風土記曰
仲夏長風扇暑

注云此節東南常有風俗
名黃雀長風 下詳夏至

避暑飲

感涼會

魏文帝
典論曰

大駕都許使光祿大夫劉松北鎮袁紹軍與紹子弟日
共宴飲常于三伏之際晝夜酣飲極醉至于無知詳夏
二傳咸感涼賦序曰盛夏月困于炎熱熱甚不
過旬日而復自涼以時之涼命親友曲會作賦爾 蚯

蚓出

鴈鳩鳴

月今淮南子
云孟夏鴈鳩鳴

處南宮

居正殿

淮南

于云孟夏之月處南宮 尚書
考靈曜云季夏可以居正殿

不動衆

無出兵

月令

云季夏不可以起兵動衆 尚
書考靈曜云季夏無出兵

增畏日

凱風

上詳
夏一

張九齡賦句芒
在辰凱風入律

陰暘

握火

上詳夏二 吳越春
秋越王欲復吳仇冬

則抱冰夏則握火懸
膽于戶出入嘗之

清風

烈日

上見風 宋呂正
獻公居家夏不揮

欽定四庫全書

御定淵鑑類函
卷十四

十一

扇冬不附火一日盛夏楊大夫環寶字器之將赴官來
辭楊乃呂氏甥呂公于西窗下烈日中公裳對坐飲酒
三杯楊汗流浹背公凝然不動

陳謨

聯句

周禮大行人掌大賓之禮及大客之儀以親諸

侯春朝諸侯以圖天下之事秋覲以比邦國之功夏宗
以陳天下之謨冬遇以協諸侯之慮唐文宗夏日與
柳公權聯句文宗曰人皆苦炎熱我愛夏日長權曰熏
風自南來殿閣生微涼蘇東坡謂其有美無箴足之云
一為君所移苦樂永相忘

浮瓜

沈李

詳前素
棟注

調

冰

雪藕

杜甫陪諸公子納涼詩公
子調冰水佳人雪藕絲

竹寒

荷淨

杜甫

詩我有江陰竹能令朱夏寒
竹深留客處荷淨納涼時

賜蛇

伐蛟

酉陽雜俎
明皇以中

王畏暑賜之冷蛇白色而不傷人冷如冰雪玩之不復
有煩熱也呂氏春秋季夏之月令漁師伐蛟升龜注

云蛟能害人難得故言代龜神物可
以洗吉凶入宗廟尊之故曰升也

提壺 布穀 楊

里詩提壺醒眼看人
醉布穀催人不自耕

辟暑犀 迎涼草

蘇鶚杜陽雜編夏月唐文

宗延學士講易賜辟
暑犀 下詳夏二

澄水帛

招涼珠

杜陽雜編唐同昌公主暑

日大會暑氣方盛命取澄水帛以水蘸之挂于內軒滿
座皆思挾纊澄水帛長八九尺似布而細明薄可鑒云
其中有龍涎故能消毒暑也 廣記燕昭王登握日
之臺得神鳥銜洞光之珠以消煩暑謂之招涼珠

結錦棚

抱鐵柱

上詳夏二
夏日納涼而抱鐵柱心有所感遂懷

烈士傳楚王夫人嘗于

孕後產一鐵楚王命鑄
錙為雙劍一雌一雄

去熱脯

消暑珠

神異經云北方層冰

萬里厚百丈有蟻鼠在冰下土中其形如鼠食冰下草
木根肉重萬斤取以作脯食之去熱 拾遺記云黑蚌

欽定四庫全書

御定淵鑑類函
卷十四

十一

珠千年一生燕昭王嘗懷此珠當
感暑之月體自輕涼號消暑珠

陸機思鄉 嵇康

好鍛 語林晉陸機在洛夏月忽思東頭竹篠飲語劉寶
曰吾思鄉轉深矣 晉書嵇康性巧而好鍛宅有

一柳樹甚茂乃激水環
之夏月居其下以鍛 葛洪入水 仲都環爐 洪從

祖元學道得仙自號仙翁每大醉夏則入水底八日方
出以其能閉氣胎息也按洪字稚川號抱朴子因以名

書 下 孫登草裳 羊欣練裙 晉書孫登字公和時
詳夏二 人于汲縣北山窟中

得之夏則編草為裳冬則被髮自覆 宋書羊欣父不
疑為烏程令欣時年十二王獻之為吳興守甚愛之欣

嘗于夏月著新練裙晝寢獻之書
數幅而去欣本工書因此彌善 服六壬符 運七

輪扇 上詳熱一 西京雜記漢長安巧工丁緩作七輪
扇連續七輪大皆徑丈夏月使一人運之滿堂皆

寒

草木皆乾 禽鳥不度

括地圖天毒國最暑熱夏則草木皆乾朱提郡堂

狼山多毒草盛夏之月飛鳥過之亦不得去故吳儼賦朱提則飛鳥不度

遊御宿園 幸

繡嶺宮

王莽欲娛樂元后令四時巡四郊春幸繭館祓

飛羽殿校獵上蘭觀登長平館而臨涇水唐開元中明皇幸洛至繡嶺宮時屬炎暑上曰姚崇多計令力士

探之回奏曰崇方紛紜乘小駟按轡木陰下

馬援征蠻

楊茂為守

漢馬援字

文淵扶風人征武溪蠻會盛暑穿岸為屋以避炎氣漢書楊茂字季實為東川郡守冬坐白羊裘夏則處單

榻

樽前暑盡 屋上泉鳴

劇談錄唐李德裕嘗宴客時畏景赫曦咸有鬱蒸之

苦既延入小齋列坐開尊煩暑都盡如涉高秋及罷出戶則煥然焦灼有好事者求親信問之荅曰此日以金

盆貯水清白龍皮置于坐末故也白龍皮新羅國所獻
得之海中拂蒜國盛暑之節乃引水潛流上遍于屋

宇機制巧密人莫知之觀者惟聞屋
上泉鳴俄見四簷飛溜懸波如瀑布

冰蠶絲裯紫

龍顙拂

樂府雜錄康老子本長安富家子生計蕩盡遇
老嫗持舊錦褥貨鬻乃以半千獲之尋有波斯

人見之乃曰此是冰蠶絲所織暑月置于座滿室清涼
即酬千萬杜陽雜編元載有紫龍顙拂色如爛椹刻

水晶為柄置于堂中夜則蚊蚋不
敢入拂之有聲雖犬無不驚逸

楊妃却暑國忠

鏤冰

楊妃外傳云明皇夏月授楊妃却暑犀如意又
曰楊國忠子弟以奸媚結識朝士每至伏日取堅

冰令工人鏤為鳳獸之形或飾以金環絲帶置之
之雕盤中送與王公大臣惟張九齡不受此惠

四月

原祭雨師

祈穀實

日當昴位

斗建巳初月

天子飲酎

后妃獻蒲

重醲之酒
給郊廟之服

增梅熟竹涼

杜甫詩南京西浦道四月熟黃梅

圓荷細麥杜甫

庾子山詩衫含焦葉氣扇動竹花涼

詩圓荷浮小葉
細麥落輕花

柳老梅酸

李炳詩柳老拋縣
後梅酸入骨時

竹

粉蒲刀

李白詩竹粉千腰白
肩吾詩蒲蓄青刀插水湄

松花麥穗黃庭

堅詩鳥棲松隕花
月麥穗如馬尾湯餅在眼如可喜

五月原月次居

離斗維建午

百藥可蓄

衆果具繁

上月令
下文選

增

風簾露井

黃孝先詩風簾燕引五
六子露井榴開三四花

落梅風隔轍

雨

風俗通云五月落梅風江淮以為信
五月雨為隔轍雨即分龍雨

變雀魚媚

蝶草

藻林云五月海魚變黃雀草木狀云鶴草蔓生其花鞠塵色淺紫蒂葉如柳而短夏中開花形如

飛鶴背翅尾足無所不備出南海云是媚草上有蟲老脫為蝶亦黃色女子藏之謂之媚蝶能致夫憐愛

六月原暑變溫風

螢飛腐草

小暑溫風至六月節也下月令

增冰山

雪檻

月令廣義云楊國忠奢侈其子弟六月鑿冰為山園筵席客有寒而挾纊者

雪檻一作雪巘即冰山取象別名所以列檻闌如雪然

雪山

冰井

五岳遊云峨嵋西望

西域雪山夜白瓚屹此浩劫積雪不消六月乃益明數千里僅咫尺間一統志冰井臺在臨漳縣治西南曹

建羊酪

虎湯

叩頭錄云房壽六月調羊酪造金風酢家塾事親書云西瓜性溫熟可

食解暑名白虎湯

狐儿

鶴觴

雲仙散錄云房壽六月召客滙狐文几酒譜云江東人

劉白墮善釀六月以罌盛酒于日中經旬味不變而愈香美使人久醉朝士千里相餽號白鶴觴一名騎驢酒

漂麥

獻瓜

秦初元年六月宏州張珪憩石山有神曰律呂律呂敕汝二十日行硬雨語畢

騰空而去珪遍語鄰人使速收麥未及收者至是日為雨所漂通紀云洪武五年六月旬容縣民嘉瓜二同蒂而生禮部尚書陶凱奏禎祥實由聖德帝曰草木之祥生於其土土人應之於朕何與時和歲豐乃王者之祥也

夏四

原蟲羽

象物從風鼓翼飛鳥之屬

音徵

夏氣和則徵聲調

祀竈

陽氣盛熱祀之于竈

從熱類也並月令

執衡

魏相曰南方之神炎帝乘離執衡司夏

南訛

訛化也南方化育之

事南交

春與夏交之際

昊天

夏日昊天

暑節

亦曰炎節

隆熾

射雉賦云時暑

忽隆熾

恢台

楚辭

居明堂

月令

居正廟

皇覽逸禮曰仲夏則居明堂正廟

挺重囚

月令云季夏挺重囚益其食

赦罪人

尚書大傳云季夏可以大赦罪人

斷

薄刑

沒小罪

出輕繫

崇寬

修鞮鞢

飭鐘磬

月令云命樂師修鞮鞢執

千戚戈羽調等笙筚篥黃飭鐘磬祝敔

止聲色

毋或進

薄滋味

毋致和

紛絺

綌暑為旗章

別貴賤等級之度

孟夏樹桃

淮南子

六月徂暑

詩

九暑乃至

管子曰南方曰日其時曰夏其氣曰陽至火與氣九暑乃至時雨乃降五穀

乃登其德施舍謂之日德

夏日成養

神農書

景風扇物

魏文帝與吳季重書

云方今蕤賓紀時景風扇物天氣和

樹木方盛

月令云季

暖衆果具繁時駕而遊北遵河曲

草木昌繁

徐幹詩云陶陶朱夏德草木昌且繁

草木莽莽

楚辭

草木萋萋

杜預七規云仲夏草木萋萋

食李梅杏

周書云夏食鬱李梅杏

性禮事視

味苦臭焦

火之臭味

食菽與

雞

菽實孚甲堅合屬水雞木畜時熱食之亦以安性

器高以麕麕

象物長盛

風曰

炎風

景曰畏景

青春變節

赤帝司權

火帝為赤帝也

時當苦焦

其味苦其臭焦

火流永日

日永星火

雲吐奇峰

夏雲多奇峰

溫風炎氣

文選朱夏振炎氣溽暑扇溫風

爍石流金

莊子

狼山毒草

山海經云狼山多毒草
盛夏鳥過之不能去

銀塘芳荷

見李德林
夏日詩

焦泉之

曲

蘧瑗云春有去雁之歌
夏有焦泉之曲云云

榮木之詩

陶潛榮木詩序云
日月推遷已復有

夏也

凱風扇物

赫日流輝

萬木皆滋

百草悉茂

文選靡木不
滋無草不茂

靜處朝諸侯

管子云春盡而夏始天子
服黃而靜處朝諸侯卿大

夫列士循于百
姓發號出令

坐閣作名倡

魏文帝詩云夏日曾
避暑坐閣作名倡

百

官靜事毋刑

樂師習合禮樂

並月令

初莖蔚其曜新

陳柯槭以改舊

潘岳射雉賦云于是青陽告謝朱明
肇授靡木不滋無草不茂初莖蔚其

曜新陳柯
槭以改舊

毋舉事以搖養氣

月令云季夏毋舉大事
以搖養氣注大事興徭

役以**毋發令以妨農事**

又云季夏毋發令而待以妨神農之事也注曰發令而待謂出

徭役之令以豫驚民也民驚則心動是害土神之氣土神稱曰神農者以其主于稼穡

涼君子

而清王侯

壽陽記曰義樓夏顯中以涼君子上以清王侯

增扇枕

黃香年七歲事親孝

夏月扇枕
冬月溫衾

夏造冰

列老成子學幻于尹文先生能于夏月造冰

賜湯餅

何晏美容魏文帝疑其傅粉夏月賜熱湯餅拭汗而容愈潔

夏雨雨人

管子見春令

冰雪金價

止茂集長安冰雪至夏月則價等金壁白少傳詩名動于閭閻每須冰雪論筐不復償價

日日

幸九成宮

唐太宗幸九成宮避暑

延英殿對

唐書文宗每延英殿

對宰相率漏下十一刻嘗盛夏汗浹衣李絳欲趨出帝曰與卿論天下事乃真樂也

義皇上人

陶淵明夏日高卧北窗下自號羲皇上人

樹陰讀書

魏伯起夏月移版牀隨逐樹陰諷讀累年

牀為之銳

右軍書扇

王羲之見老母持六角扇賣因書其扇各五字妹有愠色因諭曰但云王

右軍書以求百金

延涼室夢

拾遺記漢武帝息于延涼室夢李夫人授帝薊

婁從之人競買

燕香帝起而香氣著衣枕歷月不歇帝乃改延涼室為遺芬夢室

昭陽紫綃

吳志孫權超夫

人善畫巧妙無雙權居昭陽宮倦暑乃展紫綃之帷夫人曰此不足貴妾欲窮思慮能使下綃帷而清風自入

視外無有蔽礙列侍飄然自涼若御風行

汗淋學士

東軒雜記學士王平甫盛夏流汗浹衣劉

貢父曰真汗淋學士也

鴈臣避熱

伽藍記元魏時北邊酋長遣子入侍嘗秋來春去以避中

國之熱時人謂之鴈臣

四月

原維夏

四月維夏

首夏

謝詩首夏猶清和

驅獸

無害五穀

登麥

天子乃以龜嘗麥

行爵出祿

必當其位

繼長增高

無有壞墮

無大田獵

驅獸類也恐傷生類

無發大衆

為妨蠶農

杓指

東南

正陽之月

正陽月慝未作慝謂陰氣也

盛暑之時

亦曰炎暑

畏

日揚輝

火雲戒節

禱祀山川

古卿士有益于人者以祈穀實

贊拔

傑俊

選賢良舉長大

增楓蟲

月令通攷橫州出楓始生有食葉蟲似蠶而赤黑四月熟如蠶

將絲州人取其絲光明如琴絃海濱蜃人驚作釣緡

指星麥

拾遺記外國有指星麥四月火星出

麥熟而獲之藥用水清三夕而萌芽平日雞鳴而用之俗呼為雞鳴麥以之釀酒醇美久含令人齒動大醉則

肝腸消爛俗謂消腸酒

鵲翅扇

事物紀原王嘉拾遺記周昭王時修塗國獻丹鵲一雌一雄孟

夏取鵲翅以為扇一名條融
一名不影此疑羽扇之始也

慈竹筍

通攷四月生江
南人以灰煮食

之其竹內實節疎性
弱可代藤形緊細

遊船戲

占城國四月
有遊船之戲

櫻筍廚

歲時記四月十五日自堂廚
至百司廚通謂之櫻筍廚

傍林鮮

月令通攷夏初
林筍盛時掃葉

就竹邊煨熟其味
甚鮮名傍林鮮

高鳳暴麥

後漢記高鳳好讀書夏
月暴麥今鳳持竿護雞

時雨大至鳳讀
書不覺漂麥

五月 原鵲鳥鳴

芒種曰蟪蛄生五
月節也後五日鵲

始鳴後五日
反舌無聲

關市無索

遊牝別羣

繫騰駒
班馬政

火雲

方熾 畏景尤長

無用火南方

害微
陰也

無艾藍以染

為傷
長氣

用剛日祭先牧

祭于大澤用
剛日祭先牧

習盛樂大雩帝

自
韜

鞞至祝敬皆
作曰盛樂

長日助威稜之勢
熏風同長育之恩

增徽雨

古雋略黃梅雨梅當作徽因雨當梅熟之時
遂記為梅雨埤雅今江湘二浙四五月間梅

欲黃落則水潤土溽柱礎皆
汗蒸鬱成雨謂之梅雨也

海牛

齊地記東萊牛島
上嘗以五月海牛

產乳其形似牛而無角虎聲牙爪如虎脚似鼉尾似鮎
其皮甚軟可供百用牛見人奔入水以杖擊鼻則得之

佛水

說選真臘國五月迎佛水聚一國遠近之佛皆
送水與國主洗身陸地行舟國主登樓以觀

麥黃水

黃河五
月水名

桐花雨

五月
雨

五時圖

初學記北
朝婦人五

月進五時圖五時花拖帳之上是日又
進長命縷宛轉繩皆結為人象帶之

落梅花

李詩
注江

城五月落梅花
吹笛曲名也

五月渡瀘

出師表五月渡瀘
深入不毛之地

洛水

寶圖

唐垂拱四年五月庚申得寶圖于洛水

六月 原殺草

行木

並月

令

暑變溫風

小暑溫風至六月節也

螢飛腐草

月令

大雨時行

令溫風已至

季夏之日

土潤溽暑

節近早秋

無興土

功

不可以興土功不可以合諸侯注云土將用事欲靜也

可資農事

畏日更延

於黃道

秋陽益熾於炎光

鴈鴈平秋陽以暴之

新律將加於

煩暑

下伏式啓於炎陽

簡文帝苦熱詩云六龍駕杳思三伏啓炎陽

增

三時雨

即甘澤雨

夏金鈴

菊譜夏金鈴開以六月深黃千葉與萬鈴相類而花頭瘦小

佛頂菊

史正志菊譜五六月開菊花色微紅

蓮花酒

叩頭錄房壽六月擣蓮花製碧

芳酒涼
物也

槐黃舉子

南部新書長安舉子落第者六月後不出謂之過夏多借清淨廟院

作文章曰夏課時語
曰槐花黃舉子忙

祀封放榜

通攷真宗東封六月放梁固以下進士及

第祀后土于汾陰放張師德以下進士及第固父狀元
顯師德父狀元華魏野詩曰封禪汾陰連歲榜狀元俱
是狀元兒

夏五

原詩晉郭璞詩曰羲和騁丹衢朱明赫其猛融風拂晨
宵陽精一何罔閒宇靜無娛端坐愁日永 晉李顥詩
曰炎光燦南溟溽暑融三夏黠霽重雲陰砰稜震雷叱

宋顏延之夏夜呈從兄散騎詩曰炎天方埃鬱暑晏
闕塵紛獨靜闕隅坐臨堂對星分側聽風薄木遙睇月
開雲夜蟬當夏急陰蟲先秋聞歲候初過半荃蕙豈久
芬 齊謝朓出下館詩曰麥候始清和涼雨銷炎燠紅
蓮搖弱荇丹藤繞新竹物色盈懷抱方駕娛耳目 梁
蕭子範夏夜獨坐詩曰節序值徂炎茲宵在三伏馮軒
佇涼氣中庭倦煩燠寂寞對空窗清疎臨夜竹蟲音亂
階草螢光繞庭木簾月度斜暉風光起餘馥一傷年志

罷長嗟逝波速 梁徐怿夏詩曰炎光歇中宇清氣入

房櫳晚荷猶卷綠疎蓮久落紅 梁徐摛晚夏詩曰夏

景厭房櫳促席翫花叢荷陰斜合翠蓮影對分紅此時

避炎熱清尊獨未空 周庾信夏日應令詩曰朱簾卷

麗日翠幕蔽重陽五月炎氣蒸三時刻漏長麥隨風裏

熟梅逐雨中黃開冰帶井水和粉雜生香衫含蕉葉氣

扇動竹花涼早菱生軟角初蓮開細房願陪仙鶴舉洛

浦聽笙簧 隋李德林夏日詩曰夏景多煩蒸山水暫

追涼桐枝覆玉檻荷葉滿銀塘輕扇搖明月珍簟拂流
黃壺盛仙客酒餅貯帝臺漿才人下銅雀侍妓出明光
歌聲越齊市舞曲冠平陽微風動羅帶薄汗染紅妝共
欣陪宴賞千秋樂未央 隋薛道衡梅夏應教詩曰長
廊連紫殿細雨應黃梅浮雲半空上清吹隔池來集鳳
桐花散騰龜蓮葉開幸逢為善樂頻降濟時才 又夏
晚詩曰流火稍西傾夕影遍層城高天澄遠色秋氣入
蟬聲 唐楊師道和夏日晚景應詔詩曰輦路夾垂楊

離宮通建章日落橫峰影雲歸起夕涼雕軒動流吹羽
蓋息廻塘薙草生還綠殘花疎尚香青蟲類姑射碧澗
似汾陽幸屬無爲日歡娛方未央 增宋之問夏日仙
萼亭應制詩曰高嶺逼星河乘輿此日過野合時雨潤
山襟夏雲多睿藻光巖穴宸襟洽薜蘿悠然小天下歸
路滿笙歌 宋歐陽修夏熱詩曰陽暉爍四野萬里纖
雲收羲和困路遠正午當空留枝條不動影草木皆含
愁深林虎不嘯臥喘如吳牛蜩蟬一何微嗟爾徒啾啾

楊萬里夏夜追涼詩曰夜熱依然午熱同開門小立

月明中竹深樹密蟲鳴處時有微涼不是風 張耒夏

日詩曰長夏邨墟風日清簷牙喜鵲已生成蝶衣曬粉

花枝午蛛網添絲屋角晴落落疎簾邀月影嘈嘈虛枕

納溪聲久拚兩鬢如霜雪直欲樵漁過此生 又曰黃

簾翠幙斷飛蠅午影當軒睡未興枕穩海魚鑄紫石扇

涼山雪畫青綰廊陰日轉雕闌樹坐冷風生玉盃冰滿

案詩書塵蠹甚故應疎嬾過炎蒸 元周伯琦夏日閣

中入直詩曰冰盤堆果進流霞中祕繡餘夕景斜畫舫
徑隨園殿過鳳麟洲上數荷花 又曰流觴小殿曲闌
縈波影簾櫳浸繡楹靜晝敲碁中貴語君王避暑在開
平 明劉基夏日雜興詩曰曾樓迢遞俯清郊天際羣
山檻外交日暖水禽鳴哺子風輕沙燕語尋巢綠荷雨
洗藏龜葉翠竹煙寒集鳳梢可歎仲宣歸未得苦吟終
日倚衡茅 又曰菱葉荷花漸滿池紅榴綠篠正相宜
天邊日出園葵覺地底雲生柱礎知長夏未應炎暑過

薄寒恰似晚秋時朝來苦怪雙青鬢輒向風前學素絲

金幼孜夏日喜雨寫懷二首詩曰粉署依丹禁城虛

爽氣多好風天上至涼雨晚來過翠島浮香霧瑤池澹

綠波九重閒視草時復幸鸞坡又詩曰夏過日初長

連朝雨送涼卷簾書帙靜開戶燕泥香賜果來東閣分

冰近御牀小臣叨侍從屢得被恩光王鏊夏日應制

詩曰水晶宮殿晝沈沈別院春歸碧樹深南陸迎長欽

馭日東臯早久望為霖厯中星火修堯令弦上熏風識

舜心幾務了時多暇日試開黃卷一披尋

原賦後漢繁欽暑賦曰暑景方往時維六月林鍾記度
祝融司節大火颺光炎風酷烈沈陽騰射滯暑散越區
寓鬱煙物焦人渴煌煌野火熾薄中原翕翕盛熱蒸我
層軒溫風淟忍動靜增煩 晉傅玄述夏賦曰四月維
夏運臻正陽和氣穆而扇物麥含露而飛芒清徵泛於
琴瑟朱鳥感於炎荒鹿解角於中野草木蔚其條長

李顥悲四時賦曰悲炎節之赫羲覽祝融之御轡遊井

耀兮南離晞辰凱之長吹蔭綠柳之揚枝雲鬱律以泉
涌雨淋漓而方筵奮駭霆之奔殢舒驚電之橫擣夏
侯湛大暑賦曰惟青春之謝兮接朱明之季月何太陽
之赫曦乃鬱陶以興熱於是大呂統律祝融紀節蒸澤
外熙太陰內閉若乃三伏相仍徂暑彤彤上無纖雲下
無微風梁江淹四時賦曰炎雲峰起芳樹未移皋蘭
生坂朱荷出池憶上國之綺樹想金陵之蕙枝隋盧
思道納涼賦曰祝融司方朱明屆宇氣乃初伏節維徂

暑積歆蒸於簾櫳流煩溽於園籞陽氣渙其長扇火雲
赫而四舉爾乃警六御按三條擊鼉鼓吹鳳簫雲車錯
轂麟馬齊鑣入雲宮之巖嶇登仙觀之崑嶠引雄風於
洞穴承清露於丹霄動颼颼於翠帳散霏微於綺寮

增唐許敬宗麥秋應制賦曰臣聞五土異宜四氣分序
考宿麥於生類起嚴秋於溽暑扇漸秀於梅風潤岐苗
於穀雨於時揚翹總暢陰呂潛生當隆曦之首節韞秋
令之初萌穠芸黃於綠野叅肅殺於朱明始自天而下

降終因地而斯成疇中氣爽壘際風清引神飈於綺殿
指明月於紈扇砌積玉兮凝冰庭飛花兮似霰矯微陽
於修景溽寒露於方甸棟刻桂兮含英井雕蓮兮發綯
雲標峰而勢詭氣登商而節變若乃葉幄垂秀條帷汎
光鶯傳枝而嫋娜蠶散藥而芬芳對銀綯而偶穉並金
縷而分芒如炎炎之鑠石若懔懔之懷霜資高明以納
豫順中和以自芳非甘泉而滌景異寒氣而浮涼却冰
紉於寶笥屏珍簾於披香命載筆於蓬渚贊天文於栢

梁韋千齡兮此遇奉萬壽兮稱觴

立夏一

原禮記曰立夏日蜩蟬鳴 又曰太史以先立夏三日

謁於天子曰某日立夏盛德在火天子乃齋立夏之日

天子親帥三公九卿大夫迎夏於南郊還乃行賞封諸

侯慶賜遂行無不欣悅 周禮曰以赤璋禮南方

注曰禮南

方以立夏為赤精之帝故赤璋以象夏物之明達

三禮義宗曰四月立夏為

節夏大也至此之時物已長大故以為名 皇覽逸禮

曰夏則衣赤衣佩赤玉乘赤輅駕赤騶載赤旗以迎夏

於南郊其祭先黍與雞居明堂正廟啓南戶 周書時

訓曰立夏之日螻蛄不鳴水潦淫漫是為陰慝 易通

卦驗曰立夏清明風至暑鵲鳴博穀飛電見龍升天

龍心

星名 又曰立夏初陰雲出背如赤珠 左傳曰丹鳥氏

司閉者也 丹鳥驚雉也以立夏來立冬去 孝經緯曰穀雨後十五日

斗指辰東南維為立夏 五經通義曰立夏清明風至

出幣帛禮諸侯 續漢禮儀志曰立夏之日夜漏未盡

五刻京師官皆衣赤衣迎夏於南郊 又律歷志曰立

夏之日晷長四尺二寸八分 淮南子曰春分加四十

六日而立夏大風濟

濟止也

音夾鍾 增又曰中央土其

帝黃帝其佐后土執繩而治四方其神為鎮星其獸黃

龍其音宮其日戊巳 又曰夏行春令則多風 又曰

孟夏招搖指巳盛德在火 又曰景風至則施爵位賞

有功 又曰夏治以衡衡者所以平萬物也衡之為度

也緩而不後平而不怨施而不德匝而不責常平民祿

以繼不足養長化育萬物蓄昌以成五谷以實封疆其

政不失天地乃明

明理也

又曰貧人則夏被褐帶索含

菽飲水止暑熱

原行軍月令曰立夏日得金五穀不

成夏旱多風得木夏寒草生得火多妖言兵戈起得土

遠臣朝國無政令得水上下相和順天下安寧

增劉

安時則訓曰立夏之日天子親率三公九卿大夫以迎

歲於南郊還乃賞賜封諸侯修禮樂饗左右命太尉贊

傑俊選賢良舉孝悌行爵出祿佐天長養繼修增高無

有隳壞毋興土功毋伐大樹令野虞行田園勸農事驅
獸畜勿令害穀天子以菽嘗麥先薦寢廟聚畜百藥靡
草死麥秋至決小罪斷薄刑孟夏行秋令則苦雨數來
五穀不滋四鄰入保行冬令則草木早枯後乃大水敗
壞城郭行春令則螽蝗為敗暴風來格秀草不實

立夏二

原抱朴子曰或問不熱之道荅曰以立夏之日服六壬
六癸之符或服玄冰之丸或服飛霜之散暑不能侵也

幼伯子王仲都衣以重裘暴以夏日周以十爐身不流汗蓋用此方 增登真隱說曰立夏之日日中五帝會諸仙人於紫微宮見四真人論求道之人罪

立夏三

增槐夏 麥天

古詩麥天晨氣潤槐夏午陰清

疊雲 長風

韋應物詩長風

始輒閣疊雲纔吐嶺

電見

龍升

俱詳立夏一

正陽

首夏

傅玄述夏

賦云運臻正陽運詩云首夏猶清和

謝靈

暑鵲鳴

博穀飛

俱詳立夏一

棟木華 麥秋至

淮南子曰棟木華而石首至秋風起而鰕魚肥禮記云孟夏麥秋至

立夏四

增迎南郊 禮南方 晷四尺 漏五刻

俱詳立夏一

惠

賢良 救飢渴 舉力農 振貧窮 惠孤寡

月令出淮南子

立夏五

原詩梁簡文帝和湘東王首夏詩曰冷風雜細雨垂雲
助麥涼竹木俱蔥翠花蝶兩飛翔燕泥銜復落鷓吟歛
更揚臥石藤為纜山橋樹作梁欲待華池上明月出清
光 隋魏彥琛初夏應詔詩曰雖度芳春節物色尚餘

華出簾飛小燕映戶落殘花舞衫飄細縠歌扇掩輕紗
蘭房本宜夜不畏日光斜 唐太宗初夏詩曰一朝春
夏改隔夜鳥花遷陰陽深淺葉曉夕重輕煙哢鶯猶響
殿橫絲正網天珮高蘭影接綬細草文連碧鱗驚棹側
玄燕舞檐前何必汾陽處始復有山泉 賦得夏首啓
節詩曰北闕三春晚南榮九夏初黃鶯朝弄變翠林花
落餘瀑流還響谷猿啼自應虛早荷向心卷長楊就影
舒此時歡不極調軫坐相於 增劉禹錫初夏曲曰銅

壺方促夏斗柄暫南回稍嫌單袷重初憐北戶開西園
花已盡新月為誰來 又曰時節遇繁華陰陰千萬家
巢禽命子戲園果墜枝斜寂寞孤飛蝶窺叢覓晚花

又曰綠水風初暖青林露未晞麥隴雉朝雒桑野人暮
歸百舌悲花盡能無來去飛 許渾閒居孟夏即事詩

曰綠樹陰青苔柴門臨水開簾涼初熟麥枕膩乍經梅
魚躍海風起鼉鳴江雨來佳人竟何處日夕上樓臺

張聿賦得首夏猶清和詩曰早夏宜春景和光起禁城

祝融將御節炎帝啓朱明日送殘花晚風過御苑清郊
原浮麥氣池沼發荷英樹影臨山動禽飛入漢輕幸逢
堯禹化全勝谷中情 宋徐璣初夏遊謝公巖詩曰欲
取紗衣換天晴起細風清陰花落後長日鳥啼中水國
乘舟樂巖扉有徑通州人多到此猶自憶顓公 范成
大初夏詩曰清晨出郭更登臺不見餘春只麼回桑葉
露枝蠶向老菜花成莢蝶猶來 又詩曰一簾芳樹綠
蔥蔥蝴蝶飛來覓綺叢雪白荼蘼紅寶相尚攜春色見

熏風 金張檝初夏詩曰小園綠筍間朱櫻點綴年華

似有情露浥葛巾晨氣潤風隨竹簟晚涼生閒窺點鼠
潛身處靜厭飛蚤繞鬢聲安得冷泉幽石畔解衣盤礴
樹陰清 元袁易首夏邨居雜興詩曰穿徑幽篁破嫩

苔繞池漲綠潑新醅薰黃捎蝶驚還起翠碧窺魚去復
來 明顧清首夏即事詩曰金獸香殘晝漏稀嫩槐庭
院午風微蜜房分子蠶初靜書閣垂簾燕自飛小碾試
茶催瀹鼎輕刀裁葛已成衣故園遙憶三江外梅豆青

青筍過扉 高啓初夏江邨詩曰輕衣軟履步江沙樹

暗前邨定幾家水滿乳鳬翻藕葉風疎飛燕拂桐花渡

頭正見橫漁艇林外時聞響緯車最是黃梅時節近雨

餘歸路有鳴蛙 楊基立夏詩曰漸老綠陰天無家怯

杜鵑東風有今夜芳草又明年蠶熟新絲後茶香煮酒

前都將南浦恨聊寄北窗眠 莫如忠初夏曉起詩曰

也知無客到亦復啓晨扉刺水新秧長從人乳燕飛書

聲隔篁竹荷氣透絺衣百畝欣常稔無嗟生事微 文

徵明新夏詩曰暖風庭院草生香晴日簾櫳燕子忙白
髮不嫌春事去綠陰自喜夏堂涼閒心對酒從時換老
倦拋書覺晝長客有相過同一笑竹爐吹火試旗槍

夏至一

原尚書曰日永星火以正仲夏

注曰永長也謂夏至之日也火蒼龍之中星舉

中則七星見可知也

禮記曰夏至日祀皇地祇於方丘嶽瀆等

神從祀焉

周禮曰夏至日影尺有五寸

鄭注云土圭之長也尺有五

五寸夏至立八尺表其影適與土圭等謂之地中今潁川陽城地為然

又曰絲竹之管

空桑之琴瑟咸池之舞夏至日於澤中之方丘奏之

又曰宗伯以夏至致地祇物魍

魍音魍

以禴國之凶荒民之

喪亂

又曰柞氏掌攻草木及林麓夏至令刊陽木而

火之

又曰雉氏掌殺草夏至日而夷之

增又曰夏

至日在東井北近極故景尺有五寸

原大戴禮曰夏

至祭崑崙之神於澤之中配於后土

三禮義宗曰夏

至為中者至有三義一以明陽氣之至極二以助陰氣

之始三以明日行之北至故謂之至

增又曰日夏至

禁舉大火鼓鑄銷冶皆止 原易通卦驗曰夏至景風

至蟬始鳴螳螂生鹿角解木槿榮 又曰夏至小暑蝦

蟆無聲 又曰鹿者獸中陰也貴臣之象應陰解角夏

至太陽始屈陰氣始升陰陽相向君臣之象也失節不

解臣不承君貴臣作姦 又曰夏至少陰雲出如水波

增又曰夏至之日清明風至 易稽覽圖曰夏至後

三十日極溫 原周書時訓曰夏至溫風不至國無緩

政一作寬教 增左傳曰少昊氏以鳥名官伯趙氏司至者

也伯趙伯勞也以夏至則鳴冬至則止 原春秋考異

郵曰夏至井水躍 春秋感精符曰夏至成地理 孝

經緯曰芒種後十五日斗指午為夏至 又曰夏至景

風至辨大將封有功 增又曰日周天有七衡夏至日

在內衡 史記曰先至三日垂土炭於衡兩端輕重適

均夏至日陰氣至則土重 原漢書魏相奏曰日冬夏

至則八風之序立萬物之性成各有常職不得相干

又律歷志曰日道斂北去極彌近其景彌短近短乃極

夏乃至焉 又禮儀志曰夏至日浚井改水可去溫病
增漢書曰日行北至東井去北極近夏至至於東井
北近極故晷短立八尺之表而晷景長尺五寸八分

又曰中尚署夏至獻雷車 原續漢書魯恭疏曰夏至

之日施命令止四方行者所以助微陰也行者尚止之
況於逮召考掠奪其時 又曰仲夏之月萬物方盛日

夏至陰氣萌作恐物不懋其禮以朱索連葦菜彌牟朴
蟲鍾以桃印書文以施門戶代以所尚為飾 管子曰

夏至而麥熟天子祀太宗其盛以麥穀之始也 淮南

子曰夏至則斗南中繩陽氣極陰氣萌故曰夏至為刑

夏至日一陰生

又曰夏至則火從之故五月火正而水漏

火正

火王也故水滲漏一說水星正中地漏濕也

八尺之表景修尺五寸景修則

陰氣勝短則陽氣勝陰氣勝則為水陽氣勝則為旱

又曰夏至而流黃澤石精氣

疏黃土之精也陰氣作於下故流澤而出也石精五

色之精也 蚩虬不食駒犢鷺鳥不搏黃口

五月微陰在下未成駒犢黃口肌血

脆弱未成故蚩虬鷺鳥應陰不食不搏也

增又曰陰氣為水水勝故夏至

濕 又曰毛羽者飛行之類也故屬於陽故曰夏至日

鹿角解 又曰夏至加十五日指丁則小暑音比大呂

加十五日指未則大暑音比太簇加十五日指庚背陽
之微則夏節盡 原范子曰夏至三光盛 增抱朴子

曰見潮來去或有早晚輒言有參差非也水從天邊來
一月之中再東再西故潮再大再小也夏至天高故夏
潮大也 原白虎通曰夏至陰始起反大熱何也陽氣
推而上故大熱 高誘禮記注曰鵲伯勞也伯勞夏至

後應陰而殺蛇乃磔之棘上而始鳴也 風土記曰夏

至之日雨名曰黃梅雨 增風土記注曰夏至霖霖至

前為黃梅先時為迎梅雨及時為梅雨後時為送梅雨

原風俗通曰夏至著五綵辟兵題曰游光游光厲鬼

也知其名者無溫疾 酈道元水經注曰丹水出丹魚

先夏至前十夜伺之魚浮水赤色上照如火光 荆楚

歲時紀曰夏至取菊為灰以止小麥蠹按干寶變化論

乃云稻為蟹麥為蛺蝶其驗乎 羅浮山疏曰荔枝以

春青夏至日始赤六七日便可食 占氣曰夏至之日

離卦用事日中時南方有赤雲如馬者離氣至也宜黍

增又曰離氣不至日月無光五穀不成人病目疾冬

中無冰應在十一月內 原又曰夏至之日風從離來

為順其年大熟 增又曰夏至前一日夏至後十日十

六日為窮日 原月令占候圖曰朔日至六日夏至五

穀熟二十二二十四日夏至五穀不熟晦日夏至五穀

貴 天文錄曰大暑在夏至後二氣積暑而未歇也

增古今歷術曰夏至之日晝六十五刻夜三十五刻
雜說曰百舌鳥一名反舌春則囀夏至則止惟食蚯蚓
正月以後凍開則來蚯蚓出故也十月以後則藏蚯蚓
蟄故也物之相感不知所由 酉陽雜俎曰貓鼻端常
冷惟夏至一日暖

夏至二

增左傳曰昭公二十有一年秋七月壬午朔日有食之
公問于梓慎曰是何物也禍福何為對曰二至二分日

有食之不為灾日月之行也分同道也至相過也其他
月則為灾陽不克也故常為水 原宋書曰元嘉元年
斷夏至五絲縷之屬 增隋書曰隋因周制制始每歲

夏至日祭皇地祇於北郊以太祖武元配其九州山川
皆從祀 原抱朴子曰魏武收左元放桎梏之而自解
或曰用夏至日霹靂檝也 檝音杉 又曰予祖彬為汲令

以夏至日請主簿杜寧飲酒辟懸赤弩照於杯中形如

蛇

詳蛇

輿地志曰郭宏常以夏至日射魚供母將餌聞

笳角聲魚躍而去 增一品集曰唐學士夏至日頒冰
及酒以酒和冰而飲禁中有冰醪酒坊 玉海曰宋郎
中崔遵度著琴之音配節候為秋分之音愚謂天地自
然之節豈止秋分此夏至之音也

夏至三

原影長

宵短

尺有五寸之中禮云夏至日在東井至乃宵短

不賀 受

餉

冬至陽事起君道長故賀夏至陰事起君道衰故不賀 齊春秋曰何敬叔為長城令清廡夏節忽勝門

受餉得米二千八百斗代貧人輸租稅

增書雲物

獻雷車

分至啓閉必書雲物

夏至一

食麥糗

服松脂

一統賦注云夏至俗食麥糗千金要方云夏至日

取松脂日食一升無食他物飲水自恣令人不飢長服可以終身

頒冰酒

進粉囊

上詳夏至二酉陽雜俎云北齊婦人夏至日進扇及粉脂囊各有詩詞

著五綵

陳八

音

上詳夏至四漢書云天子嘗以至日御殿前陳八音

夏至四

原日長至

禮記云仲夏之月日長至陰陽爭孔疏曰謂此月之時日長之至極太史漏刻夏至晝漏

六十五刻夜漏三十

物茂盛

春秋繁露云夏至之後萬物茂盛

身欲

寧志欲靜

蔡邕獨斷云夏至陰風始起鹿角解故寢兵鼓身欲寧志欲靜不聽事送迎五日

赤氣出離

易通卦驗云離南方也夏至日中赤氣出直離此正氣也氣出右萬物半死氣出左

赤地千里

陰動於下

五經通義云夏至陰動于下陽動于上故大熱

風雨之會

周禮云日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉

陰陽之會

春秋繁露云夏至陰陽之會

朱索連葦

詳夏至一

五綵辟兵

風俗通云夏至著五綵辟兵五綵辟五兵也

閉關后不省方

易

寢兵不設政事

五經通義云陰始動而未達故寢兵鼓不設政事所以助微氣之養也

陰氣為水夏至溫

離氣不至日無光

當陽極陰生

之際是養神保壽之辰

夏至之日一陰生

當陰陽分爭之

時是齋戒養恬之日 石湖恒冰夏至乃解

神異經云北方

荒中有石湖方千里岸深五六餘
恒冰惟夏至左右五六日乃解

夏至日後焦金爛

石 春秋繁露云南方物動於
上故夏至後熱焦金爛石

增無影塏

汝南志云天
中山有無影

塔夏至日
亭午無影 無影臺

初祖面壁菴在少林寺後天中山
無影臺夏至日亭午石柱無影

分龍日

閩以夏至
為分龍日

候玉律

東漢律歷志云殿中候氣
用玉律十二惟二至日乃

候


采映日果

即無花果也
藏之治喉疾

夏至五

增詩宋范成大夏至六言詩曰李核垂腰祝饅餡絲繫

臂扶羸節物競隨鄉俗老翁閒伴兒嬉



御定淵鑑類函卷十四